

## Irokhase Ni iJoni o keke

### *Ikhueghie ungmehi-a*

<sup>1</sup> Ebe ona a keke imekeguele oyi iJesu iKirisiti shi ni Eshinegba o ro nali ni e khi emini a ya me ni ode o a ke nue, ni o rote obo oyi agheni rokhase iJoni oni o o ga oyoli. <sup>2</sup> IJoni o pfi otselē shi emhi nya ni o me ni o khi ungmehi oyi Eshinegba ali otselē oyi iJesu iKirisiti. <sup>3</sup> Ikhivose o khi na ogbo ni o ya ze ingmemhi eyi imeguele ena, ikhivose o li ya khi na ogbo ni o suo we, ali oni o ri emini a keke shi o gbe akanya, irari khi oni eghēghē ni a ro ya me eni emhi enana nya o she ti bhale. <sup>4</sup> IJoni o ri otse ghi igbaa nya eyi eni e mie iJesu iKirisiti suo ishilua ni e la eke Esha.

Okhale ali opfomhe o ka khi oyeye rote obo oyoli, Oni o khi loli, ni o kie kpe khi loli, ni o kie gbo ya bhale. Iyemhe ishilua ni e migha odalo ukpekhomhi oyoli e li e tse e.\* <sup>5</sup> Li shi iJesu iKirisiti ni o khi otselē ona igesikia, oni o te odode mu eghuli o le, ni o mhesē na ighie na agbo, o li ri otse ghi e.†

Loli ni o nono ingme oyawa, ni o ri o lia eyoli rue awa olamhe eyawa le, <sup>6</sup> o she ri awa khi ighie ali ekpodalo-ugamhi eyi Eshinegba ni e ke ga Eshinegba oyoli ali itali. Ufumhi ali ekpabo e khi eyoli agboagbo ya je agboagbo! Atse.‡

\* **1:4** Li ze Okiali 3.14; Iro 4.5 † **1:5** Li ze Aza 55.4; Iwolo 89.27

‡ **1:6** Li ze Okiali 19.6; Iro 5.10

7 A ghe i, o ya la  
 elemhi otughunu  
 ke bhale,  
 ukpelo e nya e ya me o li,  
 ghe egbo ni e sono li iwere.  
 Egbo nya na eke agbo  
 e ya vie oya irari oyoli.  
 Igho o ya li! Atse. §

8 “Mhemhe mhi khi Aafa ali Omega.” Eshinegba Onomhue Nofune nya o ngme gho, Oni o khi loli, ni o kie kpe khi loli, ali ni o ya bhale.\*

*Oni o li abi Omi ogbo*

9 Mhemhe ijoni ni mhi khi inyoghuo e ni awa ga me osoli, ni awa ga mholi obo shi omhese ali ni awa kuegbe-a regbemie itobo iJesu. Abi mhi ro la eke ni i la iteva oke oniemhi ni a lu iPatimosi irari ungemhi oyi Eshinegba ali otsele oyi iJesu. 10 Ayemhe o tiemhile shi mhe o ogbele oyi Onomhue, mhi suo uruli na leghe nabi akala ukhokho oyemhe. 11 Oni uruli oo, “Keke emini u me shi ebe, ni u rue oli ghi igbaa nya eyi eni e mie iJesu iKirisiti suo ishilua eni e la eoli Efesosi, ali iSimirina ali iPagamu ali iTiatira ali iSadisi ali iFiladefia ali iLaodisha.” 12 Mhi mu egbe nyene ni mhi me uruli ni o nu mhe e ngme. Abi mhi ro nyene egbe, mhi me ikhuli igolu ishilua ni a ri ikpa ru e nga. 13 Ifui eni ikhuli ni a ri akpa ru e nga, mhi me ogbo, “Ni o li abi Omi Ogbo.”† O so itsua na dogo ni e ramhi oli imekene awe, ni o

§ 1:7 Li ze iDan 7.13; iMat 24.30; iMak 13.26; iLuk 21.27; 1 iTesa 4.17; iZaka 12.10; ijon 19.34,37 \* 1:8 Li ze iRom 1.17; Iro 22.13;

Okiali 3.14 † 1:13 Li ze iDan 7.13

ri ugbhogbho igolu mu aye. <sup>14</sup> Ukhomhi ali itsu eyoli ee pfuase abi afuolu, ee pfuase pepepe abi otughunu opfopfo, ikpamhi alo eyoli e li abi elemhi erali. <sup>15</sup> Awe eyoli e ge nyagha abi akhuli ide. Uruli oyoli oo de limhilimhi abi ikhoshe oyi utumhi oke nofuno ni o rote ikhomhi eche tu e tiemhile. †§ <sup>16</sup> Obita oyoli o mu ikpetata ishilua mhue, itakobi ozalo eva o rote unu oyoli lasele. Alo eyoli e ga nyanyanya abi ovo o khueghie unu-a. <sup>17</sup> Abi mhi ro me oli, mhi de yeshi oli awe abi oni o she ghu-a. Ama o ri obita oyoli nga mhe egbe, oo mhe, “Khi na ulishi, mhemhe mhi khi Onodode ni mhi khi oni o kpe ukhokho.\* <sup>18</sup> Mhemhe mhi khi Oni o la agbo, Mhi kpe ghua, ghe khe khi mhi la agbo agboagbo. Mhi mu okpe eghuli ali ilimhi mhue obo.

<sup>19</sup> “Irarigho, keke emini u me, emini aa me mena, ali emini a ya me ini oo deno. <sup>20</sup> Osheli oyi ikpetata ishilua ni u me mhe obita ali ikhuli igolu ishilua ni a ri ikpa ru e nga na. Eni ikpetata ishilua wewe e khi eni igeni ena igbaa oyi eni e mie iJesu iKirisiti suo ishilua, eni ikhuli ikpa ishilua e khi igbaa nya eyi eni e mie iJesu iKirisiti suo ishilua.

## 2

### *Ebe ni a keke ghi igba eni e miesuo ena eoli Efesosi*

<sup>1</sup> “Keke enana ghi ageni na igbaa oyi eni e mie iJesu iKirisiti suo ni o la eoli Efesosi: Enana e khi ingmemhi eyi oni o mu ikpetata ishilua mhue obita, ni oo kia ifuabo eyi ikhuli igolu ni a ri ikpa ru e nga. <sup>2</sup> Mhi lese onete ni aa riele ali itotobo gbe

† **1:15** Li ze Ezik 1.24; 43.2 § **1:15** Li ze iDan 7.9; 10.6 \* **1:17** Li ze Aza 44.6; 48.12; Iro 2.8; 22.13

akanya oyeḗ ali iregbemie oye ẹ. Mhi leṣe khi aa ya so ẹgbọ okhọlo shi iteva oye ẹ, ali khi a she mu ẹgbọ ni ẹ lu egbewe ighiusomhi na keḗ fe bino, a me khi ẹgbhọli ẹẹ lo. <sup>3</sup> A she mhue iregbemie, a ri egbe mie omunu irari eva oyemhe, aa ti egbe je ukhokho. <sup>4</sup> Ama mhi mhọli ona ya gue shi ẹ egbe, khi a she kie inono ni a te eke mhue. <sup>5</sup> A sato ashini a ti nga ramhi elemhi ayemhe ni a te de. A mu pfi, ni a rieḗ emini a kpẹ te eke ẹ rieḗ gbo ke rieḗ. Ini aa mu pfi, mhi ya bhale deba ẹ ya wolọ ikhuli ni a ri ikpa ru ẹ nga eye ẹ ashini e la le. <sup>6</sup> Ama a mhue onete ona ni a rieḗ. Eri angeli eyi ẹgbọ iNikolaita ẹ kpare ẹ, ni o khia khi e lili ẹ kpare mhe. <sup>7</sup> Oni o ze esọ, o ro suo abi Ayemhe o gue ẹ ye igbaa oyi eni e mie iJesu iKirisiti suo nya.\* Oni o da mu o le ne, mhi ya lama na li ni o le ukpamhi oora oyi agbọ ni o la Apfe oyi Eshinegba ni o la iloghie.

*Ebe ni a keke ghi igba eni e miesuo ena ẹoli iSimirina*

<sup>8</sup> “Keke enana ghi aḡeni na igbaa oyi eni e mie iJesu iKirisiti suo na ẹoli iSimirina.†

“Enana e khi ingmemhi eyi oni o ralo ni o gbo kpe ukhokho, ni o ghu-a ni o gbo bhale agbọ. <sup>9</sup> Mhi leṣe osoli ali umhame oyeḗ, ama a mhọli epfue. Mhi leṣe ungmehi opfueche ni ẹgbọ ni ẹ lu egbewe iju ni ẹa khi, e ro o pfueche e-a, no khia khi ẹgbọ owa ugamhi oyi okphaghie e khi. <sup>10</sup> A khi na ulishi osoli ni o o bhale na ẹ. A ghe i, okphaghie o ya pfi eghuo lo o gba ighumha ni a mu ẹ fe bino, a ya nase ẹ ogbele igbe. A mu irudunga oyeḗ mhue ramhi

\* **2:7** Li ze Igbae 2.9; Iro 22.2; Ezik 28.13; 31.8 † **2:8** Li ze Aza 44.6; 48.12; Iro 1.17; 22.13

eghuli, egheghe agho, mhi ya ri arula oghie agbo na e. <sup>11</sup> Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya. Oni o da mu o le ne, eghuli ni uzeva o a ya ramhi oli egbe.†

*Ebe ni a keke ghi igba eni e miesuo ena eoli iPagamu*

<sup>12</sup> “Keke ona ghi agheni na igbaa oyi eni e mie iJesu iKirisiti suo na iPagamu.

“Enana e khi ingmemhi eyi oni o mholi itakobi ozalo-eva ni o lolo e mu. <sup>13</sup> Mhi lese ashini a la, ikhi ashini okphaghe o ri ukpekhomhi oyoli shi. Ama a kie mu eva oyemhe mhu. Aa kie irudunga ni a mholi na mhe. Gbo li shi egheghe oyi Atipasi, ni o khi otsele oyemhe ni o migha shi igesikia, ni a gbe-a shi ifu apfe oye ashini okphaghe o ngeli. <sup>14</sup> Ama mhi mhu ikuku ingme shi e egbe. A mholi egbo eghuo iteva oye ni e mu ose oyi iBelamu mhu. Loli o sese oghie iBalaki o di egbo iZireni lo olamhe. Eri o gueye we e le eminale ni a ro luase obo na ikhumhi ali e ke ku itsebo. § <sup>15</sup> Igho a gbo mhu egbo ni e mu ose oyi iNikolaita mhu. <sup>16</sup> Irarigho, a mupfi. Ini o a khi igho, mhi ya kele bhale ya ri itakobi ni o la mhe unu nu we kholi. <sup>17</sup> Oni o ze eso o ro suo abi Ayemhe o gueye igbaa oyi eni e mie iJesu iKirisiti suo nya. Onini o da mu o le, mhi ya ri ibulede eghuo ni a ro sheli na li le. Mhi gbo li ya ri echepopfo na li ni a keke eva onogbo shi, ni ogbo okhoghuo o a lese, se ni ogbo ni o mie oni echeli.\*

---

† **2:11** Li ze Iro 20.14; 21.8    § **2:14** Li ze iNoba 22.5,7; 31.16; iDeut 23.4; iNoba 25.1-3    \* **2:17** Li ze Okiali 16.14-15; 16.33-34; iJon 6.48-50; Aza 62.2; 65.15

*Ebe ni a keke ghi igba eni e miesuo ena eoli iTiatira*

<sup>18</sup> “Keke ona ghi aḡeni na igbaa oyi eni e mie iJesu iKirisiti suo na eoli iTiatira: Enana e khi ingmemhi eyi Omi Eshineḡba ni o mhue ikpamhi alo ni e ḡe abi eḡemhi erali, ni awe eyoli e li abi ide.

<sup>19</sup> Mhi leḡe ikanya eye e, abi a li mholi inono ali irudunga ali abi a li ga egbe e ali iregbemie ni a mholi. A gbolo e rieḡe memena doḡe abi a te eke li.

<sup>20</sup> Ama mhi mhue ingme onana ni mhi ya gue shi e egbe. A mie oni okpotso iJezebe ogho lama, oni o lu egboli omekeguele. Roḡe oseḡe oyoli o te di eni ee ga eyemhe ya lo itsebo, ni e gbolo a le eminale ni a ro luase ikhumhi.†

<sup>21</sup> Mhi she ri eḡeḡe na li ni o ro mupfi lase itsebo eyoli le, ama o a ghole oli. <sup>22</sup> A ghe i, mhi ya ri ughuamhi pfi oli gbe she ukpho osoli, mhi ya pfi eḡbo ni e nu oli kia okia lo osoli, seḡ ni e mupfi lase ode okhoro oyoli le. <sup>23</sup> Mhi ya ri eghuli gbe imioli, eḡeḡe agho eni igbaa nya eyi eni e mie iJesu iKirisiti suo e ya leḡe khi mhemhe khi oni oo bino udu ali isamhi eyi oḡbo. Mhi ya fali e ota abi oḡboḡbo o li gbe.‡

<sup>24</sup> “Ama ee ni e kpole shi eoli iTiatira ni ea lama mu oseḡe eyi iJezebe mhue, ni aa lama wena owena eyi okphaghiḡe ni ee lu osheli ni e limhi, mhi aa ya khi omheḡe olese nga e ike. <sup>25</sup> A leḡe mu emini a mholi mhue obo egbegbo ya ramhi ni mhi ro ya bhale. <sup>26</sup> Oni o mu o le, ni o ri oghuemhe oyemhe gbe ya ramhi ukpeḡe, mhi ya ri ishishi nali ke mheḡe shi. <sup>27</sup> ‘O ya ri akhuli mhue obo ke mheḡe na we, o

<sup>24</sup> “Ama ee ni e kpole shi eoli iTiatira ni ea lama mu oseḡe eyi iJezebe mhue, ni aa lama wena owena eyi okphaghiḡe ni ee lu osheli ni e limhi, mhi aa ya khi omheḡe olese nga e ike. <sup>25</sup> A leḡe mu emini a mholi mhue obo egbegbo ya ramhi ni mhi ro ya bhale. <sup>26</sup> Oni o mu o le, ni o ri oghuemhe oyemhe gbe ya ramhi ukpeḡe, mhi ya ri ishishi nali ke mheḡe shi. <sup>27</sup> ‘O ya ri akhuli mhue obo ke mheḡe na we, o

† **2:20** Li ze 1 Ighie 16.31; 2 Ighie 9.22,30 ‡ **2:23** Li ze Iwolo 7.9; ijere 17.10; Iwolo 62.12

ya guoghò wẹ-a abi a liẹ ma ekhe.† § 28 O ya mhòli afu onabi mhi ròte obò oyi Itamhẹ mie. Mhi gbo ri ukpètata anukpesumegie na eluzogbe na li.

29 “Oni o zẹ esò, o rọ suọ abi Ayemhẹ o gueye eni igbaa nya oyi eni e mie iJesu iKirisiti suọ.

### 3

*Ebe ni a keke ghi igba eni e miesuọ ena ẹoli iSadisi*

1 “Keke ona ghi aḡeni na igbaa oyi eni e mie iJesu iKirisiti suọ na ẹoli iSadisi.

“Enana e khi ingmemhi eyi oni o mu iyemhẹ ishilua eyi Eshinẹgba ali ikpètata ishilua mhue. Mhi leṣe ikanya eyeḡe. A mhòli eva onete abi ezeze khi a la agbò, ama eri a ghua. 2 A guale ni a zese emini o kpò e le-a ni e nono ni e ghua. Irari khi mhi me ikanya eyeḡe khi ẹa gba pfo odalo oyi Eshinẹgba oyemhẹ. 3 A ri itobò ighò sato emini a she mie ni a suọ, a ri ọli gbe akanya, a mupfi. Ama ini aa da guale, mhi ya bhale abi oghiatò, aa ya leṣe eghẹghe ni mhi rọ ya bhale na e.\* 4 Abi o kie li ena, à kie mhue egbò eghuo ẹoli iSadisi ni ẹa ri ichimhi mu itsua eyewe. E ya sọ itsua epfopfo nu mhe kia, irari khi e te o. 5 Oni o mu o le, ighò o li ya sọ itsua epfopfo. Mhi aa ya shishi eva oyọli ebe ni a keke eva oyi eni e ya mhòli agbò na agbòagbò shi-a. Ama mhi ya ngme ingme oyọli le khase itamhẹ ali iḡeni eyoli.† 6 Oni o zẹ esò, o rọ suọ emini Ayemhẹ o gueye eni igbaa oyi eni e mie iJesu iKirisiti suọ nya.

§ 2:27 Li zẹ Iwolo 2.8-9 \* 3:3 Li zẹ iMat 24.43-44; iLuk 12.39-40;

Iro 16.15 † 3:5 Li zẹ Okiali 32.32-33; Iwolo 69.28; Iro 20.12; iMat 10.32; iLuk 12.8

*Ebe ni a keke ghi igba eni e miesuo ena eoli iFiladefia*

<sup>7</sup> “Keke ona ghi aḡeni na igbaa oyi eni e mie iJesu iKirisiti suo na eoli iFiladefia. Ena e khi ingmemhi eyi oni o pfuase, ni o khi igesikia, ni o mholi okpe oyi iDefidi. Oni o kha khueghie-a, oḡbo oḡa laḡ ni o doḡe ya khukhu, oni o kha khukhu, oḡbo oḡa doḡe khueghie-a.† <sup>8</sup> Mhi lese ikanya eye e. A ghe i, mhi she khueghie ode-a shi eke na e, ni oḡbo oḡa doḡe ya khukhu. Mhi lese khi ukuku itoto a mholi, abotseku khi igho, a kie ri ungmehi oyemhe e gbe akanya, aa tigbe kie eva oyemhe. <sup>9</sup> A ghe i, mhi ya ri eni e la owa ugamhi oyi okphaghi e ni e lu egbewe iJu ni o khia khi eḡbholi e lo, bhale ya nyese ukhomhi shi e ufuege ni e lese khi mhi nono ingme oye e. § <sup>10</sup> Irari khi a ri omhese oyemhe gbe akanya ni o gueye e a ri irabomudu ri egbe mie, mhi ya rue e imufe le, ni oḡ bhale eke agbo nya. Imufe ni o ya mu eḡbo na agbo nya fe bino. <sup>11</sup> Mhi ya keke bhale. Mu emini u mholi mhu e toto, ini oḡbokhoghuo o khi mie e arula oghie oye. <sup>12</sup> Oni o da mu o le ne, mhi ya roli khi oche elemhi Owa ugamhi oyi Eshinegba oyemhe. Oḡa ya tigbe rote agho vu. Mhi ya keke eva oyi Eshinegba oyemhe shi oli egbe, li shi eva oyi eoli oyi Eshinegba oyemhe ni o khi iJerusalemu onogbo, ni o rote Eghiele oyi Eshinegba oyemhe e tiemhile ali eva onogbo oyemhe.\* <sup>13</sup> Oni o ze eso, o suo emini Ayemhe o gue e ye eni igbaa oyi eni e mie iJesu iKirisiti suo nya.

---

† **3:7** Li ze Aza 22.22; iJobu 12.14    § **3:9** Li ze Aza 49.23; 60.14; 43.4    \* **3:12** Li ze Iro 21.2; Aza 62.2; 65.15



*Ebe ni a keke ghi igba eni e miesuo ena eoli iLaodisha*

<sup>14</sup> “Keke ona li ghi agheni na igbaa oyi eni e mie iJesu iKirisiti suo na eoli iLaodisha. Enana e khi ingmemhi eyi Atse, ni o khi otsele oni o ze ri egbe e nga, ni o khi igesikia, oni o mhese e na emini Eshinegba o ma nya.† <sup>15</sup> Mhi lese ikanya eye e khi, aa mhue utomhi wekhi eri a pfo. O kha ti ini a khi oghuo o lo. <sup>16</sup> Irarigho, itobo khi a rimhe, ni aa ro to wekhi eri a pfo, mhi ya rote unu oyemhe to e pfa. <sup>17</sup> Irari khi a lie, ‘Mhi pfue, mhi she ti epfue ma, mhi aa ke mhue emini o to mhe.’ Ama aa lese khi egbo eyemhe a khi, eni a vie osoli e na, ena umhame, ni e khi ezalo ali ebanoa. <sup>18</sup> Irarigho, mhia ye e ude ni a nu mhe de elomho ni a ri erali nye-a ini a mele eni e pfue-a, ni a mholi itsua epfopfo ni aa so, ni a ro khukhu irumheba omama eye e. Ni mhi ri ogugu na e vi shi alo ni a ke me eke. <sup>19</sup> Egbo ni mhi nono ingme oyewe, mhi ya dese, mhi gbo sheshe we shi ode, irarigho a mhue omuegbe ni a mu nyene.‡ <sup>20</sup> A ghe i! Mhi migha ode mhia kpheli obo o, ini ogbokhoghuo o suo uruli oyemhe ni o ro khueghie-a na mhe, mhi ya lo le, mhi nu oli le, o nu mhe le. <sup>21</sup> Oni o mu o le, mhi ya lama na li ni o nu mhe shito ukpekhomhi oghie oyemhe, ezeze abi mheme mhi li mu o le ni mhi nu Itamhe shito ukpekhomhi oghie oyoli. <sup>22</sup> Oni o ze eso, o ro suo emini Ayemhe o gueye eni igbaa nya eyi eni e mie iJesu iKirisiti suo.”

## 4

---

† 3:14 Li ze Ekpi 8.22 ‡ 3:19 Li ze Ekpi 3.12; Iburu 12.6

### *Ugamhi na iloghie*

<sup>1</sup> Abi mhi ro me ena dose se, mhi ke gbo me imeke olese. Mhi me khi ode o khueghie-a shi iloghie, mhi suo khi uruli ni o kpe nu me mhe ngme abi akala. Oo mhe, “Bhale odane ana, khi mhi ya re khase emini a ya me ini ena e dose se.” <sup>2</sup> Utoghuo kpe mhi la elemhi Ayemhe, mhi me odalo oyemhe khi ukpekhomhi o migha iloghie, khi ogbo o shito nga o. <sup>3</sup> Oni o shito o, o li abi eche ni oo ge ni a lu ijasipa ali ikaneliani. Ogaji ni o li abi eche ughegbe ni a lu emeradi o vi gase oni ukpekhomhi.\* <sup>4</sup> Ikpekhomhi uye ali ene elese e la gase oni ukpekhomhi. Egbhali uye ogbo ali aane e shito oni ikpekhomhi. E so itsua epfopfo, e rughu irula oghie igolu shi ukhomhi. <sup>5</sup> Rote oni ukpekhomhi oghie, inyamhisalo ameh ali ingmolo oyi akphala e te o o lasele. Rote oni ukpekhomhi oghie ikpa ishilua e lala ni e khi Ayemhe ishilua eyi Eshinegba.† <sup>6</sup> Ali khi oni ukpekhomhi khi emini o li abi okhe ighegbe oniemhi o la odalo oli ni o pfuase ni a te e me eke gboo.

Elamhako aane ni e mhue ayemhe ni e ze alo gase egbe odalo ali ukhokho, e le gase oni ukpekhomhi oghie roli shi iteva. <sup>7</sup> Emini o mhue ayemhe onodode o li abi idu, onuzava o li abi ena, onuzase o ze alo abi ogbo, onuzi-aane o li abi akpa odegbe ni oo fiala.‡ <sup>8</sup> Eni elamhako aane ena e mholi ipfua esesa esesa, e mholi ikpamhi alo gase idiegbe, li ghe elemhi ipfua eyewe, Ele oguota ali ele

\* **4:3** Li ze Ezik 1.26-28; 10.1 † **4:5** Li ze Okiali 19.16; Iro 8.5; 11.19; 16.18; Ezik 1.13; Iro 1.4; iZaka 4.2 ‡ **4:7** Li ze Ezik 1.22,5-10; 10.14

iyose ɛa tigbe ɛ yemhe-a, eri e lese lie,  
 “Ipfuase, ipfuase, ipfuase  
   khi Eshinegba Onomhue  
   Nofune nya,  
 Oni o khi loli,  
   ni o kie kpe khi loli,  
   ali ni o ya bhale.”§

<sup>9</sup> Ini eni elamhako aane egho e da ri ufumhi ali ekpe ali ikphemhi na oni o shito oni ukpekhomhi oghie ne, ni o lao a le ele na agboagbo, <sup>10</sup> eni egbhali uye ogho ali aane egho, e de ya yeshi na oni o shito oni ukpekhomhi, e ri kphemhi na oni lao a le ele na agboagbo. E gueghie irula eghiele eyewe shi eke odalo oni ukpekhomhi oghie, ee lie.

<sup>11</sup> “U teo Onomhue ali  
   Eshinegba oyanye,  
 Ni o mie ufumhi  
   ali ekpe ali ekpabo,  
 Irari khi yeye u ma emhikpa.  
   Oghumhe oye u ro ma we,  
   loli e gbo ro lao abi a li ma we.”

## 5

### *Ebe ali Omi Osumha*

<sup>1</sup> Mhi ke gbo me oni o shito oni ukpekhomhi oghie khi o mu ebe ni a keke emhi shi odalo oli ali ukhokho oli mhue obita. A ri erueli rote asha ishilua to oli ma.\* <sup>2</sup> Mhi me ageni ni o fune ni o tseşe ngme leghe oo lie, “Oghuo o ya dobe maghie eni erueli oni ebe-a?” <sup>3</sup> Ama oghokhoghuo o la iloghie, wekhi eke agbo, wekhi ikpoke na agbo, ni o

§ 4:8 Li ze Ezik 1.18; 10.12; Aza 6.2-3 \* 5:1 Li ze Ezik 2.9-10; Aza 29.11

dobe khueghie oni ebe-a, ukeneta khi eri o dobe ya bino elemhi oni ebe. <sup>4</sup> Mhi vie egbegbo irari khi aa me ogbo ni o teo ni o ya khueghie oni ebe-a wekhi ni o bino elemhi oli. <sup>5</sup> Otuoghwo eni egbhali egho oo mhe, “Khi ke vie! Ghe khe, Odumhi na unuekpe oyi iJuda, Omiomi iDefidi o she mu o le. O dobe ya khueghie oni ebe-a ali erueli ishilua eyoli.”†

<sup>6</sup> Igho mhi me khi Omi Osumha khi o migha odalo oyi oni ukpekhomhi oghie ni elamhako aane egho, ali eni egbhali e gase. O li abine khi a she kpe gbe oli-a. O ze ekphali ishilua ali ikpamhi alo ishilua ni e khi Ayemhe ishilua eyi Eshinegba ni o she ghie je eke agbo nya.‡ <sup>7</sup> Oni omi osumha o le ya rue oni ebe obita oyi oni o shito oni ukpekhomhi oghie. <sup>8</sup> Abi o ro rue oni ebe se, eni elamhako aane egho ali egbhali uye ogbo ali aane, e de yeshi odalo oyi oni Omi osumha. Wewe nya ogbogbo o mu efa mholi obo ali itasa igolu ni ituale afu era ni a tose e vo, ni e khi iromhi ni eni Eshinegba o she pfa na e so. § <sup>9</sup> E to uwolo onogbo, e lie,

“U te oni o rue oni ebe,  
     u gbo te oni o ya maghie  
     erueli ni a ro ma o-a,  
 Irari khi a gbe-a,  
     U ri o lia eye de egbo  
     na Eshinegba,  
 egbo ni e rote agbo nya bhale  
     rote unuekpe nya ali  
     emu e ododa ali egbo ododa nya.\*

† **5:5** Li ze Igbae 49.9; Aza 11.1,10    ‡ **5:6** Li ze Aza 53.7; iZaka 4.10  
 § **5:8** Li ze Iwolo 141.2    \* **5:9** Li ze Iwolo 33.3; 98.1; Aza 42.10

10 U rewe mele ighie  
ali ekpodalo-ugamhi ni ẹ ga  
Eshinẹgba oyawa-a.

E ya la agbo ke mhese.”†

11 Mhi bino mhi suọ iruli eyi igeni ebubu ni e  
ramhi igbele ali idududu. E le gasẹ oni ukpekhomhi  
oghie ali elamhako egho ali eni egbhali.‡ 12 E ri  
ukpokpomhi uruli i to uwolo, e lie,

“Oni o teọ Omi osumha  
ni a gbe-a o khi,  
ni o mie ekpabo ali epfue  
ali ileşingme ali itoto,  
ali ekpe ali ufumhi  
ali ikueghie!”

13 Mhi tigbe suọ khi emhikpa ni a ma na iloghie  
ali eke agbo ali ikpoke na agbo ali ena oke oniemi  
ali emini e laọ elemhi o ni nya khi ẹ to uwolo, ẹ ẹ lie,  
“Oni o shito oni ukpekhomhi

ali Omi osumha,  
Ikuẹghie ali ekpe  
ali ufumhi ali ekpabo,  
e khi eyeẹ, rote  
agboagbo ya je agboagbo!”

14 Eni elamhako aane egho ẹ li, “Atse,” eni egbhali  
egho, e de yeshi, e ga li.

## 6

### *Eni eruẹli*

1 Mhi tokpe bino abi oni Omi Osumha o ro  
maghie eruẹli onodode elemhi eni eruẹli ishilua-a.  
Mhi suọ khi oghuo eni elamhako egho o ngme abi

† 5:10 Li ze Okiali 19.6; Iro 1.6 ‡ 5:11 Li ze iDan 7.10

uruli akphala, ọọ li, “Bhale!” <sup>2</sup> Mhi bino, ghe achi ọpfofpo odalo oyemhẹ khe! Ọmose ni ọ nga li ọ mu usheli mhue, a ri arula oghie na li, ọ nga ọni achi ya fiẹ abi ọkhọli-okhue ni ọ khọli mu ọ le ni ọ gbo vu ya khọli mu ọ le.\*

<sup>3</sup> Abi ọni Omi Osumha ọ rọ maghie ẹruẹli onuzi-eva-a, mhi suọ khi ẹlamhako ọnuzava ọ ngme, ọọ li, “Bhale!” <sup>4</sup> Mhi mẹ khi achi ọlese ni ọọ yile nyogho ọ fiẹ lasele. A ri afu na ọni ọ nga li ni ọ rọ rue opfomhẹ eke agbo-a, ni ọ rọ ri ẹgbo ke gbolo egbe we-a. A ri ọgbhoro oniemi na li.†

<sup>5</sup> Abi ọni Omi Osumha ọ rọ maghie ẹruẹli onuzi-ese-a, mhi suọ khi ẹlamhako ọnuzi-aase ọ ngme, ọọ li, “Bhale!” Mhi bino, ghe achi ọbishi odalo oyemhẹ khe! Ọni ọ nga li ọ mu emini a rọ ọ mhese ukhomhi oyi emhi.‡ <sup>6</sup> Mhi suọ khi emini o li abi uruli o la elemhi ifuabọ oyi eni elamhako aane egbo ngme, ọọ lie, “Ifata ogbeleghuo a ri ago oghuo oyi ado ẹ de, idiakpala ese oyi ọakpa, o li migha shi ifata ogbeleghuo. Khi yese oili olivu-a ali onyo!”

<sup>7</sup> Abi ọni Omi Osumha ọ rọ maghie ẹruẹli onuzi-ene-a, mhi suọ khi uruli oyi ẹlamhako ọnuzi-aane ọọ li, “Bhale!” <sup>8</sup> Igho mhi mẹ achi ni ọ li abi ọni ọ ya ghu-a. Ọni ọ nga li a lui Eghuli, ali eghiele ilimhi oo deba li udidi, a ri afu na we ni e rọ ri ọgbhoro ali okiamhi ali ighuamhi ali elamhako okhena gbolo ẹgbo iku akemhishi asha ene ẹgbo na eke agbo-a.§

<sup>9</sup> Abi ọni Omi Osumha ọ rọ maghie ẹruẹli onuzi-ishe-a, mhi mẹ iyemhẹ eyi ẹgbo na gbolo-a irari ungmemhi oyi Eshinegba ali ọtsele ni e mu mhue

\* **6:2** Li ze iZaka 1.8; 6.3,6 † **6:4** Li ze iZaka 1.8; 6.2 ‡ **6:5** Li ze iZaka 6.2,6 § **6:8** Li ze Ezik 14.21

ufui oni atete. <sup>10</sup> Ee vie leghe, e lie, “Onomhue ni o khi ona ipfuase ali igesikia, eghẹghẹ onoghuo u ro ya gue egbo na agbo ezọ, ni u ro ya ye okhue oia eyi anye obọ oyewe na anye?” <sup>11</sup> Eghẹghẹ agho, a ri itsua epfopfo na we. A gueye we e migha ne ukuku o, ramhi eghẹghẹ ni eni ee ga nabi wewe etuangme ni a nono ni a li gbolo-a e ro ya gba. Ezeze abi a li gbolo wewe-a.

<sup>12</sup> Mhi bino abi o li khueghie erueli onuzi-esesa-a. Ukpokpomhi eke o kulu. Ovọ o bishi-a abi ode abuma ni a ri iriria elamhi do. Uki nya o yile-a abi oia.\* <sup>13</sup> Ikpeta na idane e deno kule eke abi ikpamhi okhua-eni ni ea yile ne e lie de kule ini akpekpeli ni o ze o jighise we. <sup>14</sup> Irarogbe o khili ode-a abi a lie khili ighele eke-a. Ite nya ali eke ni e la iteva oke, a rue we ashini e la le.†

<sup>15</sup> Eghẹghẹ agho, ighie na eke agbo ali ekhemhue ali idenomọ okholi ali eni e mholi epfue ali eni e mholi ekpabo ali ogbokpa ali ighumha ali eni ea khi ighumha, e na ya sheli ifui irui ali eche na ite. § <sup>16</sup> Ee vie lu ite ali eche eniemhi, e lie we, “A de mu anye ni a ri anye sheli eloe oyi oni o shito oni ukpekhomhi oghie ali ofu oyi oni Omi Osumha!”\* <sup>17</sup> Irari khi ogbele ofu oniemhi oyi Eshinegba o she ramhi ni o ro ya tiemhile shi we o, oghuo o dobe ya migha?”†

---

\* **6:12** Li ze Iro 11.13; 16.18; Aza 13.10; ijọe 2.10,31; 3.15; iMat 24.29; iMak 13.24-25; iLuk 21.25 † **6:14** Li ze Iro 16.20 ‡ **6:14** Li ze Aza 34.4 § **6:15** Li ze Aza 2.19,21 \* **6:16** Li ze Osia 10.8; iLuk 23.30 † **6:17** Li ze ijọe 2.11; iMala 3.2

## 7

*Egbo agbeḷẹ egbhueḡshilua ali ene (144,000) ni a shi ọḷẹḷẹ*

<sup>1</sup> Ona o dọṣẹ sẹ, mhi ke gbo mẹ khi igẹni aane e migha iguabo enenene na eke agbo. E mu akpekpeli enenene na iguabo eke agbo gba ini akpekpeli o khi ke li eke agbo, weḡ ukhomhi oke oniḡmhi weḡ eḡera.\* <sup>2</sup> Igho mhi ke mẹ aḡeni oḷese khi o roṣe obini ovọ o te e ngale lasese, o tsua akhuli ni a ro o shi emhi ọḷẹḷẹ oyi Eshineḡba ni o la agbo. O ri uruli na leghe lu eni igẹni aane egho ni a ri ekpabo na ni e ro yese eke ali oke oniḡmhi-a. <sup>3</sup> Oo weḡ, “A khi yese eke-a weḡ oke oniḡmhi weḡ eḡera, sẹ khi awa shi ọḷẹḷẹ shi eni eḡ ga eyi Eshineḡba alukpo se.”† <sup>4</sup> Igho mhi suọ khi eni a roṣe elemhi eḡḡeli eyi iZireni nya shi ọḷẹḷẹ, e ya khi egbo agbeḷẹ egbhueḡshilua ali ene (144,000).

<sup>5</sup> A roṣe unueḡkpe oyi iJuda,  
shi ọḷẹḷẹ shi egbo  
agbeḷẹ igbeva egbe (12,000).

A roṣe unueḡkpe oyi iRubeni,  
shi ọḷẹḷẹ shi egbo  
agbeḷẹ igbeva egbe (12,000).

A roṣe unueḡkpe oyi iGadi,  
shi ọḷẹḷẹ shi egbo  
agbeḷẹ igbeva egbe (12,000).

<sup>6</sup> A roṣe unueḡkpe oyi Asha,  
shi ọḷẹḷẹ shi egbo  
agbeḷẹ igbeva egbe (12,000).  
A roṣe unueḡkpe oyi iNafutali,

\* **7:1** Li zẹ iJere 49.36; iDan 7.2; iZaka 6.5 † **7:3** Li zẹ Ezik 9.4,6



shi ọlẹlẹ shi ẹgbọ  
agbẹlẹ igbẹva egbe (12,000).

A rọte unuẹkpẹ oyi iManase,  
shi ọlẹlẹ shi ẹgbọ

agbẹlẹ igbẹva egbe (12,000).

<sup>7</sup> A rọte unuẹkpẹ oyi iSamọ,

shi ọlẹlẹ shi ẹgbọ

agbẹlẹ igbẹva egbe (12,000).

A rọte unuẹkpẹ oyi iLiva,

shi ọlẹlẹ shi ẹgbọ

agbẹlẹ igbẹva egbe (12,000).

A rọte unuẹkpẹ oyi iSaka,

shi ọlẹlẹ shi ẹgbọ

agbẹlẹ igbẹva egbe (12,000).

<sup>8</sup> A rọte unuẹkpẹ oyi iZebulo,

shi ọlẹlẹ shi ẹgbọ

agbẹlẹ igbẹva egbe (12,000).

A rọte unuẹkpẹ oyi iJosefu,

shi ọlẹlẹ shi ẹgbọ

agbẹlẹ igbẹva egbe (12,000).

A rọte unuẹkpẹ oyi iBejami,

shi ọlẹlẹ shi ẹgbọ

agbẹlẹ igbẹva egbe (12,000.)

<sup>9</sup> Ona o dọsẹ se, mhi bino, ghe ebubu ẹgbọ ni ọgbọkọghuo ọa dọbẹ ya leli khẹ! Ishishi khi ishishi ali unuẹkpẹ nya ali ẹgbọ ali ẹmuẹ ọdọda e te bhale. Ighọ e migha odalo oyi oni ukpẹkhomhi oghie, e migha odalo oyi ọni Omi Osumha, e sọnọ itsua epfopfo, e muno eyamhi mhọli abọ. <sup>10</sup> E tsesẹ leghe, e liẹ.

“Eshinegba ọni ọ shitọ

oni ukpẹkhomhi oghie,

Ọ mhọli ekpabọ

ni o ro mie egbo eyoli pfuase,  
igho li khi oni Omi Osumha.”

<sup>11</sup> Igeni nya e migha gase oni ukpekhomhi oghie,  
ali eni egbhali ali elamhako aane e de ta alo mu  
eke odalo oni ukpekhomhi oghie e ga Eshinegba. <sup>12</sup> E  
lie,  
“Atse!

    Ikuoghi ali ufumhi,  
ali egbhe ali  
    ikphemhi ali ekpe,  
ali ekpabo ali itoto,  
    e khi eyi Eshinegba oyawa,  
ele na agboagbo.

Atse!”

<sup>13</sup> Igho ogbhali oghuo elemhi we o nu mhe ngme  
o mhe, “Eghuo egho e khi ni e sono itsua epfopfo?  
U lese obini e te bhale?”

<sup>14</sup> Mhie oli, “Oga, yeye u ya lese.” †

Oo mhe, “Ena e khi eni e pfue oni ukpokpomhi  
ajilimhe, e she pfue itsua eyewe-a, e ri oia eyi oni  
Omi Osumha rewe pfuase. <sup>15</sup> Irarigho,  
“E ro migha odalo  
ukpekhomhi oghie  
oyi Eshinegba.

    Ni e la  
elemhi Owa oyi Eshinegba oyoli  
    ke ga li ele oguota ali eliyose.  
Oni o shito oni  
ukpekhomhi oghie oyoli,  
o ya ri okholo oyoli  
    khukhu we.

<sup>16</sup> Okiamhi o ke

---

† 7:14 Li ze iDan 12.1; iMat 24.21; iMak 13.19

gbo ya gbe we ghue,  
 wekhi okiamē o kē ya gbe we ghue.  
 A ya khukhu we ovọ erere,  
 o a kē tose we ghue. §  
 17 Irari khi oni Omi Osumha  
 ni o migha odalo oni  
 ukpekhomhi oghie,  
 o ya ri eloe ke khu we.  
 O rewe je okē amē  
 ni o ri agbo a na ogbọ.  
 Eshinegba o ya shishi we amevie alo-a.”\*

## 8

### *Erueli onuzi-ishilua*

<sup>1</sup> Abi oni Omi Osumha o ro maghie erue onuzi-ishilua-a, iloghie o kekēkē elemhi iminiti uye ali igbe.

<sup>2</sup> Igho mhi me igeni oshilua ni ee migha odalo oyi Eshinegba, khi a ri ikala ishilua na we.

<sup>3</sup> Ageni olese o bhale ya migha atete. O tsua ilolo oyi elomho. A ri afu ituale ne e bu na li ni o ya tose, gbo li shi iromhi ni eni Eshinegba o she pfa na e so. O la oni atete elomho ni o la oni eghiele tose we.\*

<sup>4</sup> Ewoli eyi oni ituale afu eera ni aa tose ali iromhi eyi eni Eshinegba o she pfa na, e rote obọ oyi oni ageni nga idane deba Eshinegba. <sup>5</sup> Igho oni ageni o rue oni ilolo, o we erali ni e la ukhomhi oni atete vo o. O pfi oli tiemhi eke agbo, igho ikphala e de, ali ingmolo, ali inyamhise alo amē, ali eke ikulue.†

§ 7:16 Li ze Aza 49.10 \* 7:17 Li ze Iwolo 23.1; Ezik 34.23; Iwolo 23.2; Aza 49.10; 25.8 \* 8:3 Li ze Emo 9.1; Okiali 30.1,3 † 8:5 Li ze ilev 16.12; Ezik 10.2; Okiali 19.16; Iro 11.19; 16.18

*Eni ikala*

<sup>6</sup> Mena, igeni oshilua ni e mhọli ikala ishilua e mu egbe ni e rọ pfi wẹ.

<sup>7</sup> Ageni ọnodode ọ pfi akala oyọli, echẹ amẹ ali erali e kuma ọlia wushe kugbe, e de ku shi ekẹkẹ. Ukiẹkiẹ opfoghuo akemhishi esẹ oyi ekẹ agbọ, o toa. Asheghuo akhemhi shi esẹ oyi ẹẹra nya e toa, ebuli nya e toa.†

<sup>8</sup> Ageni ọnuzi ava o pfi akala oyọli, emini o li abi ute o lala, a pfi ọli lo okẹ oniẹmhi. Ukiẹkiẹ oghuo ini a kemhi oni okẹ oniẹmhi shi asha esẹ o mele ọlia-  
<sup>9</sup> asheghuo akemhi shi esẹ elamhako ni e laọ e ghulua, asheghuo akemhishi esẹ okọ-okẹ eniẹmhi ni e la oni okẹ e tseke-a.

<sup>10</sup> Ageni ọnuzasẹ ọ pfi akala oyọli, ukpokpomhi ukpẹtata ni o lala abi ugbili, o rọte idane pfa, o de ya shi asheghuo akemhi okẹ nya shi asha-esẹ ali inu wẹ ni okẹ e te ẹ chọchọ. § <sup>11</sup> Eva oyi oni ukpẹtata a lu Oyala. Asheghuo akemhi-shi esẹ amẹ eyi okẹ nya ni o de pfilo eghọ e yala, ebubu ẹgbọ e ghulua irari khi eni amẹ okẹ e yala.\*

<sup>12</sup> Ageni ọnuzi-aane o pfi akala oyọli, a gbe emhi shi asheghuo akhi ovọ-a shi asha esẹ, ali akhi uki-a shi asha esẹ, ali akhi ikpẹtata-a shi asha esẹ. Eni asha esesese ena e bishi-a. A khi ogbe-a shi asha esẹ, o bi obili-a, ighọ a li li khi ẹliyose-a shi asha esẹ, ákpá ọa gẹ.†

<sup>13</sup> Abi mhi li bino eghọ, mhi suọ khi ákpā ọdegbe ni ọ la irarogbe fiala, ọ viẹ, ọ liẹ, “Epfua, Epfua!

† **8:7** Li zẹ Okiali 9.23-25; Ezik 38.22    § **8:10** Li zẹ Aza 14.12

\* **8:11** Li zẹ ijere 9.15    † **8:12** Li zẹ Aza 13.10; Ezik 32.7; ijoe 2.10,31; 3.15

Epfua o khi na eni e la eke agbo itobo ikala ni igeni aase enekpole e ya pfi.”

## 9

<sup>1</sup> Ageni onuzi-oshe o pfi akala oyoli. Mhi me ukpetata ni o rote idane de tiemhile ekekhe. A ri okpe oyi ode oyi ilimhi na ningolo na li. <sup>2</sup> Abi o ro khueghie ode oyi oni ilimhi na ningolo-a, ewoli e rote o lasele abi ewoli ni e rote avuerelasele. Owo ali irarogbe e bishi-a irari eni ewoli ni e rote oni ilimhi na ningolo lasele.\* <sup>3</sup> Initso e rote eni ewoli ve e kule eke agbo, a ri afu na we ni e ro mhue ekpabo nabi eyi izage.† <sup>4</sup> A gueye we e khi ri unu ti ebuli ali emhi ekomhi okhoghwo wekhi oora na eke agbo, ama e ke nase egbo ni ea mholi olele oyi Eshinegba shi alukpo oyewe.‡ <sup>5</sup> Aa lie we e gbolo eni egbo ena-a, ama ni e ro nase we iki ishe. Utomhi ni e to we, eri e li abi utomhi oyi okpi ini o ta ogbo. <sup>6</sup> Egheghe ni a ngme ena, egbo e ya ke nono eghuli ama ea ya me, o ya ghole we ni e ghu-a ama eghuli o ya me we na. §

<sup>7</sup> Eni initso e li abi ichi ni a mu egbe shi okholi. E rughu emini o li abi arula oghie igolu shi ukhomhi, alo eyewe e li abi alo egbo.\* <sup>8</sup> Itsu eyewe e li abi itsu eyi ikpotso, akoyewe e li abi akoye idumhi.† <sup>9</sup> E ze ipfiapia shi egbe abi awulu akhuli ni okholi-okhue o ro a mu aye. Okeke ni ipfua eyewe e kpe, e li abi okeke oyi ichi ikhuli ni e lo bu ni e na le okhue.‡ <sup>10</sup> E ze ighia ali eka, ee ta abi ikpi, e mholi

\* **9:2** Li ze Igbae 19.28 † **9:3** Li ze Okiali 10.12-15 ‡ **9:4** Li

ze Ezik 9.4 § **9:6** Li ze iJobu 3.21; ijere 8.3 \* **9:7** Li ze iJo 2.4

† **9:8** Li ze iJo 1.6 ‡ **9:9** Li ze iJo 2.5

ekpabọ shi eni ighia ni e rọ na ẹgbọ osoli iki ishe. <sup>11</sup> E mhọli oghie oyewẹ ni ọ khi agẹni oyi ilimhi na ningolo. Abi a lu eva oyọli o khi Abadoni a lu ọli ẹlẹmhi Iburu. Ama Apolioni a lu ọli ẹlẹmhi iGiriki. (Ọni ọ Yese-a a ri ona ngme.)

<sup>12</sup> Epfua onodode ó she dose, ama epfua eva elese ẹa bhale ne.

### *Akala onuzi-esesa*

<sup>13</sup> Agẹni onuzi-osasa ọ pfi akala oyọli, mhi suọ khi uruli o rọte igo ene oyi atete igolu ni o kpọ eke le ni o la odalo oyi Eshinegba ngme lasese. § <sup>14</sup> Ọ gueye ọni agẹni onuzi-osasa ogho ọọ li, “Taghie igẹni aane ni a ge shi epfe okẹ oniẹmhi na lu iYufiretisi-a.” <sup>15</sup> Igho a li rue eni igẹni aane egho obọ-a, ni a she ge shi agho, rọ khe oni ẹghẹghẹ ona, ali ogbẹle ali uki ona, ali ukpe ona, ni e ya gbolo ẹgbọ igbekhi ese na eke agbọ ona-a. <sup>16</sup> Ekholi-okhue etuangme ni a rọ shi eke ẹ khe okholi e bu ramhi udududu asha egbhuegbe, 200,000,000. Mhi suọ etuangme ni a lu we.

<sup>17</sup> Abi eni ichi ali eni e nga we e li na, abi mhi me we elemhi imealo oyemhe. Iwulu ikhuli ni ekholi-okhue e rọ ọ mu aye eyewẹ, ee yile nyoghọ abi erali, e li abi ẹgholi ibulu na koli, o mhọli oyile abi ofu. Ikhomhi eyi eni ichi e li abi ikhomhi idumhi, erali, ewoli ali ofulu e rọte we unu lasese. <sup>18</sup> Igbekhi asha ese ẹgbọ nya, eni erali ali ewoli ali ofulu ni e rọte we unu lasese e gbolo-a. <sup>19</sup> Ekpabọ eyi eni ichi e la we unu ali ighia. Irari khi eri ighia eyewẹ e li abi enye, e ze ikhomhi ni e rọ kuale ẹgbọ utse.

---

§ 9:13 Li ze Okiali 30.1-3

<sup>20</sup> Egbọ ni e kpole shi agbọ ni oni opfuse ọa gbolo-a, ẹa kie mu pfi lase ikanya abọ eyewe le. Ẹa lase ekphaghie igaga le, li shi ugamhi eyi ikhumhi ni a ri igolu ali ẹlomho ali ide ali ẹera khali. Ikhumhi ni ẹa ya me eke wekhi eri ẹe suọ esọ, wekhi eri e dobe ẹ kia.\* <sup>21</sup> Wekhi eri e lama mu pfi lase ugbeli le, ali imhesẹ imumu ali itsebo ilili ali ighiatọ idodo.

## 10

### *Oni ageni ali ebe nikeke*

<sup>1</sup> Igho mhi me ageni nofunẹ ọlese, khi ọ rote idane e tiemhile, ọ ri otughunu khukhu egbe, ogaji o vi gase ọli ukhomhi, alo eyoli e li abi ovo, awe eyoli e li abi oche erali. <sup>2</sup> Ọ mhọli ukuku ebe mhọli obo ni o khueghie-a shi eke. Ọ gbosẹ owe obita oyoli shi elemhi oke oniemi, ọ ri owe ogobo nga eke. <sup>3</sup> Ọ ri ukpokpomhi uruli pfi lasele leghe abi odumhi ọọ khoshe. Abi ọ ro pfi, uruli ikphala ishilua e ngme. <sup>4</sup> Abi eni ikphala ishilua e ro ngme se, mhi nono ni mhi keke shi ebe, ama mhi suọ khi uruli ọ rote idane lie, “Ri emini eni ikphala ishilua egho e ngme sheli, khi keke we shi eke.”

<sup>5</sup> Igho oni ageni ni mhi me ni ọ migha oke oniemi ali ekeke egho, ọ yase obita oyoli nga ukhui. <sup>6</sup> Ọ ri eva oyi Eshinegba ni ọ laọ le ele na agboagbo romhi ishe. Oni ọ ma ukhui ali emhikpa ni e laọ, ali eke ali emhikpa ni e la ọ ali oke oniemi ali emhikpa ni e laọ. Ọọ, “Emhi enana ẹa ke ya tese ni e ro bhale ya tse. <sup>7</sup> Ama khi ogbele ni ageni onuzi-oshilua ọ da ya pfi akala oyoli, Eshinegba ọ ya

\* **9:20** Li ze Iwolo 115.4-7; 135.15-17; iDan 5.23

khueghie osheli oyoli-a ni o gba abi o li gue oli ye eni e e ga ni e khi emekeguele eyoli.”\*

<sup>8</sup> Igho uruli ni mhi rote iloghie suo egho o gbo nu mhe ngme, oo mhe, “Le ya mie agheni ni o migha oko oniemi ali ekekhe ighela ebe ni o khueghie-a, ni o la li obo.”

<sup>9</sup> Igho mhi le deba oni agheni mhi o ri oni ebe nikeke ogho na mhe. Oo mhe, “Mo oli le. O ya yese e elemhi-a, ama o ya violo e unu abi iwọ.” <sup>10</sup> Mhi mie oni agheni oni ebe nikeke obo, mhi roli le. O violo mhe unu abi iwọ, ama abi mhi ro roli le se, oo yala mhe elemhi.† <sup>11</sup> Igho a gueye mhe, “U mema ya mekeguele shi ebubu unuekpe, ali egbo ali emue ododa ali ighie egbe.”

## 11

### *Eni otsele aava*

<sup>1</sup> Igho a ri ufulo ni o li abi ukpokpo ni a ro o mheso emhi na mhe, a gueye mhe, “Le ya mheso Owa Ugamhi oyi Eshinegba ali atete ali eni e ga ugamhi akaghọ.\* <sup>2</sup> Khi mheso atukpapfe oniemi oyoli, khi mheso oli irari khi a she roli na ijeta. Wewe e ya lighi oni eoli no pfuase eke-a elemhi iki egbhueva ali eva (42.)† <sup>3</sup> Mhi ya ri afu na otsele aava eyemhe. E ya meke guele elemhi ogbele agbele ali egbhuegbese (1,260.) E so ide ibuma.” <sup>4</sup> Otsele aava ena e khi era olivu eva ali emhi eva ni a ri akpa ru e nga ni e migha odalo oyi Onomhue ni o mhue eke agbo.‡ <sup>5</sup> Ini ogbokhoghuo oo dua ni

\* **10:7** Li ze Okiali 20.11; iDeut 32.40; iDan 12.7; Emo 3.7 † **10:10** Li ze Ezik 2.8-3.3 \* **11:1** Li ze Ezik 40.3; iZaka 2.1-2 † **11:2** Li ze iLuk 21.24 ‡ **11:4** Li ze iZaka 4.3,11-14



loli kwale wẹ utse, erali e rọte wẹ unu fiẹ ya tose eni ebe wẹ-a. Ina ebe wẹ ni e nono ni e kwale wẹ utse e mema li ya ghua. <sup>6</sup> E mholi afu ni e rọ pfi okpe ukhui ini amẹ o khi ruẹ eghẹghẹ ni e rọ da mẹ guele ne. E gbo mholi afu ni e rọ mu amẹ okẹ mele o lia-a. E gbo ku ighuamhi khi ighuamhi she ekẹ abi o li ghọle wẹ shi. §

<sup>7</sup> Ini e da pfi o ọtsẹ se ne, inyagbemhi ni o ya rọte ilimhi na ningolo lasẹle o ya tsua mu wẹ, o mu wẹ o le, o gbolo wẹ-a.\* <sup>8</sup> Ilimhi eyẹwẹ e ya de yeshi ifui eoli ni o funẹ ashini a la gbe Onomhue oyẹwẹ-a shi apfida. Irokhokho iSodomu ali ijipiti eoli ona o khi.† <sup>9</sup> Ogbele esẹ ali ukhukui, egbọ na agbọ nya ali edeli ali emue ali ushishi e ya ke nise uruli bino ilimhi eyẹwẹ, ẹa lama rẹwẹ to. <sup>10</sup> Egbọ na ekẹ agbọ e ya ke ghele shi eghuli ni e ghu, ẹẹ bọla, e de isomhopfa a ghi egbewẹ, irari khi emekeguele aava egho, e she nasẹ egbọ ni e la ekẹ agbọ khue.

<sup>11</sup> Ama abi ẹle esẹ ali ukhukhui e rọ dọse, Ayemhe oyi Eshinegba ni mholi agbọ o lo wẹ egbe, e vule migha. Ulishi oniemi o lo egbọ ni e mẹ wẹ egbe.‡ <sup>12</sup> Igho e suo uruli na leghe o rọte idane ngme. Oo wẹ, “Ngale odane oola.” Igho e li nga idane elemhi otughunu. Ebe wẹ e lesẹ fe kpee. §

<sup>13</sup> Oni eghẹghẹ a mẹ ukpokpomhi inighise ekẹ ni o ku ekẹ asheghuo akemhishi igbe oyi oni eoli lue. Egbọ agbele oshilua, 7,000, e ghulua, ulishi o mu egbọ ni e kpole, e kuẹghie Eshinegba ni o la iloghie.

---

§ **11:6** Li zẹ 1 Ighie 17.1; Okiali 7.17-19; 1 iSam 4.8 \* **11:7** Li zẹ iDan 7.7,21; Iro 13.5-7; 17.8 † **11:8** Li zẹ Aza 1.9-10 ‡ **11:11** Li zẹ Ezik 37.10 § **11:12** Li zẹ 2 Ighie 2.11

14 Opfuse onuzi-eva o she dōse, opfuse onuzi-ese o keḷe ya bhale.

*Akala onuzi-ishilua*

15 Igho aḡeni ɔnuzi-oshilua o pfi akala oyoli, igho ikpokpo iruli e la idane ngme. Ee liḷe,

“Eghiele agbo o she mele  
eghiele oyi ɔnɔmhuḷe ɔyawa-a,  
ali onayi iKirisiti oyoli-a.

Ọ ya mhese ke le agboagbo.”\*

16 Egbhali uye ali aane ni e shito ukpekhomhi oyewe odalo Eshinegba, e de ya ta alo mu eke ga Eshinegba. 17 Ee liḷe,

“Anye ri ikphemhi ne,  
Eshinegba ɔnɔmhuḷe ɔofune nya,  
Oni o khi loli, oni o kpe khi loli,  
irari khi u she rue  
ekpabo eniemhi eye,  
u she e mhese.

18 Abi elemhi e ro bi ishishi,  
yeye u li mholi ofu.†

Egheghe o she ramhi  
ni u ro ya guḷe eni eghua ezo,  
ni u ro ya ri eleli na eni eḷe ga eye  
ni e khi emekeguele,  
ali eni Eshinegba o she pfa na  
ni e ri ekpe na eva oye,  
ghe egbo ni ea mu eloe  
ali ekhemhuḷe,  
abi u li pfuse eni e pfuse eke agbo-a.”

\* **11:15** Li ze Okiali 15.18; iDan 2.44; 7.14,27 † **11:18** Li ze Iwolo 2.5; 110.5; 115.13

19 Igho a li khueghie Owa ugamhi oyi Eshinegba na iloghie-a, a me Akpati Ishobo agho. Igho inyamhisalo ali ukpimhi ali ingmolo ali ikphala, eke e de kulu, eche rote idane deno kule.†

## 12

### *Oni Okpotso ali Oligio oniemhi*

1 Ukpokpomhi irokhase onyaloa o feli shi idane: Okpotso o ya lao ni itsua ni o so e khi ovo, uki o kpoke awe eyoli, arula oghie oyi ikpetata igbeva o rughu oli ukhomhi. 2 Oo me. O tsele leghe elemhi otomhe abi o ro ya bia. 3 Igho emhi olese o gbo feli shi idane, ukpokpomhi Oligio oniemhi oyile ni o ze ikhomhi ishilua ali ekphali igbe, ali o rughu irula oghie ishilua shi ukhomhi.\* 4 O ri ughia oyoli fuomhi asheghuo akemhishi ese ikpetata ni e la ukhuli pfino kule eke agbo. Oni Oligio oniemhi o migha oni okpotso ni oku o to egho odalo, ni o ba me asha gbe oli oni omoo ogho le, ini a lese bia li lasese.† 5 Oni okpotso o bia omose ni o ya ri otsuodu akhuli mhesa na egbo ni e la eke agbo nya. Ama a ba oni omoo eke rue ya nga idane ghi Eshinegba ali ukpekhomhi eghiele oyoli.† 6 Oni okpotso, o na je odagbe ifufu asha ni Eshinegba o riela shi eke khe oli ni a la ya dua li egbe ogbele agbele ali egbhuegbesa (1,260.)

7 Igho okholi o lasese shi obini iloghie, iMakieni ali igeni eyoli, e nu oni inyagbemhi i kholi. Oni Oligio oniemhi ali igeni eyoli e mie we abo oni

---

† 11:19 Li ze Iro 8.5; 16.18,21 \* 12:3 Li ze iDan 7.7 † 12:4 Li ze iDan 8.10 † 12:5 Li ze Aza 66.7; Iwolo 2.9

okhōli. § 8 Ama ọa mhuẹ ekpabọ tẹ iMakeni ali igeni eyọli oni okhōli. Ashini a kpẹ rọ na wẹ obini iloghie o de wẹ obọ-a. 9 A pfi ọni ukpokpomhi ọni Oligio ọniemhi ọghọ tiemhile eke agbọ, ọni ẹnye ọnede ọghọ ni a lu Etse ali Okphaghie, ọni ọ di agbọ nya ya da ode, a pfi oli tiemhile eke agbọ, a li pfi igeni eyọli li tiemhile.\* 10 Ighọ mhi suọ ukpokpomhi uruli obini iloghie khi ọọ li,

“Mena, imiepfuese  
ali ekpabọ ali  
Eghiele oyi Eshinẹgba ọyawa  
e she bhale!  
IKirisiti ọyọli ni ọ zẹ  
ọ she ri afu oyọli khase.

Irari khi Okphaghie,  
ni ọ gue ezọ ọ shi  
inyoghua awa egbe,  
odalalo oyi Eshinẹgba  
ghe eḷe ọguota ghe eḷe-iyose,  
a she pfi ọli tiemhile.†

11 E gbe ọli mu ọli le,  
itobọ ọlia eyi ọni Omi Osumha  
ali ingmemhi ọtsẹle oyewe.  
Ea lighọ nono ingme agbọ oyewe,  
ni o rewe ya ke  
ti je ukhokho na eghuli.

12 Irarighọ, a ke gheḷe,  
eḷe iloghie ali egbọ  
ni e la elemhi ọli.  
Ama epfua o khi na

---

§ 12:7 Li zẹ iDan 10.13,21; 12.1; iJu 9 \* 12:9 Li zẹ Igbae 3.1;  
iLuk 10.18 † 12:10 Li zẹ iJobu 1.9-11; iZaka 3.1

ẹ eke ali oke oniemi,  
 irari khi Okphaghe  
 o she ri ofu tiemie deba e!  
 Ofu o she vo li elemhi,  
 irari khi o lese khi  
 ukuku eghẹghẹ o ke mholi.”

<sup>13</sup> Abi oni Oligio oniemi o ro me khi a she pfi  
 lue tiemhile eke, o khu oni okpotso ni o bia oni  
 omọ omose. <sup>14</sup> Ama a ri ipfua eva eyi akpa odegbe  
 oniemi na li, ni o ro fiala je odagbe ifufu. Ikhi  
 obini a rieḷe shi eke ke oḷi ni a la ya ri eloe khu  
 oḷi, eghẹghẹ ali igheghẹ ali ukhukhui eghẹghẹ ni o  
 khi ikpe ese ali ukhukhui, ini oni inyagbemhi o khi  
 ri emhi li o.† <sup>15</sup> Oni Oligio oniemi o roḷe unu ku  
 amẹ lasele abi oke ni oo tu, ro khu oni okpotso ni  
 o ba ri ochikpho fuomhi oḷi ya gbe. <sup>16</sup> Ama eke o  
 kpaghe oni okpotso obọ irari khi eke o nya unu-a ri  
 oni oke da ni oni Oligio oniemi o roḷe unu kpa ku  
 le. <sup>17</sup> Igho oni inyagbemhi o pfaa deba oni okpotso,  
 o ya mu okholi vule shi imi oḷi enekpoḷe o, ikhi eni e  
 ri Omhesẹ eyi Eshinegba gbe akanya, ni e ri igesikia  
 mu oḷseḷe oyi iJesu. <sup>18</sup> Igho oni Oligio oniemi o  
 migha egele oke oniemi.

## 13

### *Oni Inyagbemhi ni o roḷe oke oniemi lasele*

<sup>1</sup> Mhi me inyagbemhi khi o roḷe elemhi oke  
 oniemi ngale. O ze ekphe igbe ali ikhomhi ishilua,  
 o rughu irula oghie igbe shi eni ekphali. Ukhomhi  
 oḷboḷbo a keke eva ni o khi ungmehi ipfiunu-a  
 shi.\* <sup>2</sup> Oni inyagbemhi ni mhi me, o li abi ekpe,

† **12:14** Li ze iDan 7.25; 12.7      \* **13:1** Li ze iDan 7.3; Iro 17.3,7-12

awẹ eyọli e li abi eyi akpogene, unu oyọli o li abi unu ọdumhi. Ọni oligio ọniemhi ọ ri afu na ọni inyagbemhi ni o rọ mhọli ekpabọ rọ ke mhẹsẹ abi oghie.† <sup>3</sup> A kuale ọni inyagbemhi ukpokpomhi utse ni o gẹ ugboko oniemhi. Ama oni ugboko oghọ o bie. O ri abọ sha agbọ nya, e vẹ deba li. <sup>4</sup> Egbọ ee ga ọni Oligio ọniemhi irari khi ọ she ri afu na ọni ẹlamhako, ẹgbọ e li ga ọni ẹlamhako, e liẹ, “Oghuo ọ li abi ọni inyagbemhi!” “Oghuo ọ dobẹ ya nu ọni inyagbemhi khọli?”

<sup>5</sup> A ri unu na ọni ẹlamhako ni ọ rọ ngme ingmemhi emuẹbe ali ipfiunu-a. A ri ẹghẹghẹ na li ni ọ rọ ri afu oyọli gbe akanya iki egbhuẹva ali eva. <sup>6</sup> Ọ khueghie unu-a, ọ ngme ipfiunu-a deba Eshinegba, rọ pfunẹchẹ eva oyi Eshinegba ali ashini ọọ la ali ẹgbọ ni e nu ọli la iloghie-a.‡ <sup>7</sup> A ri afu na li ni ọ nu eni Eshinegba ọ she pfa na khọli, ali ni ọ mu wẹ ọ le. A ri afu na li ni ọ mhẹsẹ shi ẹdẹli nya, ẹgbọ ali emuẹ ọdọda ali ishishi.§ <sup>8</sup> Egbọ ni e la eke agbọ nya e ya ke ga ọni inyagbemhi. Eni ẹa ga ọni inyagbemhi ọna, e khi eni a keke eva oyẹwẹ shi ebe ni a keke eva oyi eni e ya mhọli agbọ na agbọagbọ shi, neni a ma agbọ. Oni ebe agbọ ona o khi ebe agbọ oyi Omi Osumha ni a rọ luasẹ obo.\*

<sup>9</sup> Ọni ọ mhọli esọ, ọ rọ suọ!

<sup>10</sup> Eni okhọli o ya mu,  
o mema ya mu wẹ.  
Eni a ya gbolo-a,  
a mema ri itakobi  
ya gbolo wẹ-a.

† **13:2** Li zẹ iDan 7.4-6 ‡ **13:6** Li zẹ iDan 7.8,25; 11.36 § **13:7**  
Li zẹ iDan 7.21 \* **13:8** Li zẹ Iwolo 69.28

Eri a ri ona lie eni Eshinegba o pfa na e ri irabomudu ri egbe mie, e ri igesikia ke khase.†

*Oni Inyagbemhi ni o rote agbo lasele*

<sup>11</sup> Igho mhi gbo me inyagbemhi olese ni o rote eke e lasele. O ze ekphali eva abi omi osumha, oo ngme abi oligio oniemhi. <sup>12</sup> O ri afu oyi inyagbemhi oni odode e gbe akanya na li. O ri itoto ri egbo na eke agbo o ga inyagbemhi onodode, ikhi oni ukpokpomhi ugboko oyoli o she bie. <sup>13</sup> O rieje irokhase onyaloa enefune, o ga ri erali rote idane e tiemhile, ni egbo ee me. <sup>14</sup> Itobo irokhase ni a ri afu oyi inyagbemhi onodode lina a rieje, o di egbo ni e la eke agbo. O gueye we e khali ikhumhi, ro khi ufumhi na oni inyagbemhi ni oni itakobi o kualiti utse, ni o kie la agbo. <sup>15</sup> A ri afu na li ni o ri ayemhe na oni ikhumhi irokhokho oyi oni inyagbemhi onodode, ni o dobe ke ngme, ali ni a ke gbolo egbo ni ea lama ga li-a. <sup>16</sup> O gbo ri itoto mu ogbokpa shi olele shi obita okekhi alukpo, ghe egbo eniemhi ali enikeke, ghe eni e mholi epfue ali eni ea mholi, ghe eni ea khi ighumha ali eni e khi ighumha. <sup>17</sup> Ogbokhoghuo o dobe ke e de emhikhoghhuo wekhi eri o ro o de, se ni oni o mholi olele ogho, ni o khi eva oyi oni inyagbemhi ali inoba oyi eva oyoli.

<sup>18</sup> Eri onana gueye awa, awa mholi ileasingme. Oni o lolo lese ingme o sa abi a ri oni inoba ona ngme. Oni inoba khi (666), egbhue uye ali igbe ali egbhuese ikpamhi esesa. Inoba ni o migha shi ogbo na.

---

† **13:10** Li ze ijere 15.2; 43.11

# 14

## *Oni Omi Osumha ali eni egbo agbele egbhueshilua ali ene (144,000)*

<sup>1</sup> Igho mhi bino. Ghe Omi Osumha odalo oyemhe khi o migha Ute iZayo. Egbō 144,000 (agbele egbhueshilua ali ene) ni a keke eva oyoli ali eva oyi itali shi we alukpo e nu oli migha.\* <sup>2</sup> Mhi ya rote idane suo uruli abi ikhoshe oyi utumhi oyi oko nofuno ni o rote ikhomhi eche tu e tiemhile. Oo ngmolo abi akphala. Oni uruli ni mhi suo, o li abi ini eni e kpheli efa, ee kpheli efa. <sup>3</sup> E to uwolo onogbo odalo ukpekhomhi oghie ali ukpeloe oyi eni elamhako aane ni Eshinegba o ma ali ukpeloe oyi eni egbhali. Ogbokhoghuo o a dobe wena oni uwolo ogho, se ni egbo agbele egbhueshilua ali ene egho (144,000), ni a she rote eke agbo pfasheke. <sup>4</sup> Enana e khi egbo ni ea ri ikpotso ri ichimhi mu egbewe, irari khi eri e ri egbewe shi ipfuase. E deba oni Omi Osumha a je obiobini o je kpa. Eni a rote ifuabo egbo pfasheke e khi ni a rote odode ro na Eshinegba ali oni Omi Osumha pfo. <sup>5</sup> Ogbō o a me egbholi okhoghuo unu oyewe, irari khi ea mholi umhagueli okhoghuo.†

### *Eni Igeni Aase*

<sup>6</sup> Igho mhi me ageni olese khi o la iteva irarogbe e fiala, o mhuo usomhi onete na agboagbo ni o ro ya tsabo gueye egbo na agbo, ikhi eni e la ishishi nya, ali edeli nya, ali emue-khi-emue ali egbo kpa. <sup>7</sup> O ri ukpokpomhi uruli lie, “Na ulishi Eshinegba, ri ufumhi nali, irari khi eghenge iguezo oyoli o she

\* **14:1** Li ze Ezik 9.4; Iro 7.3 † **14:5** Li ze iZef 3.13



ramhi, a ke ga oni o ma idane ali eke ni o ma oke oniemi ali ashini ame o te e chocho.”

<sup>8</sup> Aḡeni olese onuzava o deba li, oo, “IBabilo okekhui o de, oni o ri onyo ni o pfuase oyoli ona okia na ishishi nya da.”<sup>†</sup>

<sup>9</sup> Aḡeni onuzi-aase o deba we, o ri ukpokpomhi uruli lie, “Ini ogbokhoghwo o ga oni inyagbemhi ali ikhumhi oyoli, ni o ro mie olele oyoli shi alukpo, okekhi obo, <sup>10</sup>oni ogbo ogho, o ya rote onyo elemhi ibibi oyi Eshinegba li da, ikhi onyo ni aa pfose-a ni a she ku vo uko elemhi ibibi oyoli. A ya ri ofulu ni oo lala biobiobio tose oli-a ukpeloe oyi igeni eni e pfuase ali ukpeloe oyi oni Omi Osumha. § <sup>11</sup>Ewoli oyi anasemhe eyewe ee nga idane agboagbo. Eni e ga oni inyagbemhi ali inyagbemhi ni a khali, ali onini o da mie olele oyi eva eyoli ne, ea mhue iyemhe shi eleoguota, shi eliyose.”\* <sup>12</sup>Eri onana o gweye eni Eshinegba o pfa na e ri irabomudu ri egbe mie, ikhi eni e ri omhese eyi Eshinegba a gbe akanya, ni e ri igesikia a deba iJesu.

<sup>13</sup>Igho mhi suo khi uruli o rote idane lie, “Keke onana: Ikhivose o khi na eni e ghu-a shi elemhi Onomhue rote memena vu.”

“Ikhivose o khi na we egbegbo!” “Igho Ayemhe o ngme, khi e ya yemhe inyama-egbe agbo-a, irari khi eminete ni e ri ele, e ya deba we!”

### *Ikhiese oyi eke agbo*

<sup>14</sup>Igho mhi bino, mhi me otughunu opfopfo odalo oyemhe. Oni o shito o, “O li abi Omi Ogho.”

<sup>†</sup> **14:8** Li ze Aza 21.9; ijere 51.8; Iro 18.2    § **14:10** Li ze Aza 51.17; Igbae 19.24; Ezik 38.22    \* **14:11** Li ze Aza 34.10

Ọ rughu arula igolu oyi oghie shi ukhomhi, o ri agaga ni ọọ mu mhọli obo.† 15 Aḡeni ọlese ọ rọte Owa oyi Ẹshineḡba lasele ri ukpokpomhi uruli lu ọni ọ shitọ nga ukhomhi otughunu eghọ leghe, ọọ li, “Rue agaga oye ni u ke khiese, irari khi eḡheḡhe ikhiese o she ramhi, irari khi agbo o she bie ni a khiese.”‡ 16 Igho ọni ọ shitọ otughunu egho, ọ ri agaga oyọli khiese agbo.

17 Aḡeni ọlese ọ rọte Owa oyi Ẹshineḡba na iloghie fiẹ lasele, lọli ọ li mhọli agaga ni ọọ mu. 18 Igho aḡeni ọlese o rọte atete fiẹ lasele, ikhi aḡeni ni ọ mhọli omhesẹ shi erali. Ọ ri uruli oniemi lu ọni o mhọli agaga ni ọọ mu egho leghe, ọọ li, “Rue agaga oni ọọ mu oye, ni u rọ khiese ipfonu eke agbo-a, irari khi ipfonu e she yile!” 19 Igho ọni aḡeni ọ pfi agaga oyọli gasẹ eke agbo, ọ khiese ipfonu nya, ọ ku we lo ashini a te e mino onyo. Amino onyo ona, elemhi ibibi oyi Ẹshineḡba o migha shi. 20 Igho a la ashini a la amino onyo ni o la olase oni eoli ri awe gue we. Olia e rọte oni amino onyo tu lasele. Utumhi oyi oni o lia o ga nuata ramhi imali egbhueḡbe, e limhi abi ete-awe ishe. §

## 15

### *Iḡeni oshilua ni e tsua anasemhe ishilua*

1 Igho, mhi me irokhase oniemi ni o mu eloe olese ukhomhi idane, ikhi iḡeni oshilua ni e mhọli anasemhe ishilua ni e khi eni e kpukhokho, irari khi wewe Ẹshineḡba ọ rọ ya gbe ofu oyọli ukhomhi. 2 Mhi me emini o li abi okẹ igheḡbe oniemi ni erali

† 14:14 Li ze iDan 7.13 ‡ 14:15 Li ze iJoe 3.13 § 14:20 Li ze Aza 63.3; iLame 1.15; Iro 19.15

e solọ shi, o migha epfe okẹ oniemi. Egbọ ni e mu oni inyagbemhi ali oni ikhumhi oyọli ali inoba oyi eva oyọli o le, e mu efa ni Eshinegba o ro na we mhue abo. <sup>3</sup> E to uwolo oyi iMosisi oni o o ga oyi Eshinegba ali uwolo oyi oni Omi Osumha, e lie,

“Ufumhi ali oshabo  
e khi ikanya eye,  
Eshinegba Onomhue Nofune nya.  
Ipfuase ali igesikia  
ode eye e khi,  
oghie ni o mhọli ishishi nya!\*

<sup>4</sup> Oghuo o a ya na  
ulishi oye Onomhue,  
ni o a ya ri ufumhi  
bhale ghi eva oye?  
Irari khi yeyeghuo kpele  
u khi oni o pfuase.  
Ishishi nya e ya bhale  
ya kuęghie e, irari khi  
ikanya ipfuase eye  
e she ri egbe khase.”†

<sup>5</sup> Onana o dose se, mhi bino, mhi me Owa oyi Eshinegba na iloghie, ni o khi Igholo oyi otselẹ khi o khueghie-a.† <sup>6</sup> Rote oni owa ugamhi, eni igeni oshilua ni e mhọli anasemhe ishilua e te lasele. E soro itsua ni e pfuase ni ee ge nyanyanya, e ri ogbene igolu mu aye. <sup>7</sup> Igho otuoghuo eni elamhako aane ni e mhọli ayemhe egho, e ri italabi igolu ishilua ni ofu oyi Eshinegba e la, na eni igeni oshilua. Ikhi Eshinegba, ni o lao le agboagbo. <sup>8</sup> Oni

\* **15:3** Li ze Okiali 15.1 † **15:4** Li ze ijere 10.7; Iwolo 86.9

† **15:5** Li ze Okiali 38.21

owa ugamhi o vọ ewọli oyi ufumhi ali ekpabọ oyi Eshinegba. Ogbọ okhoghuo ọa la ọ ni ọ dobe lo oni owa ugamhi ya ramhi ni eni anasemhe ishilua e ro gba pfo. §

## 16

### *Italabi ishilua ofu eyi Eshinegba*

<sup>1</sup> Igho mhi suọ khi uruli na leghe o rote oni Owa ugamhi oyi Eshinegba gueye eni igeni oshilua, “A ka ku eni italabi ishilua eyi ofu oyi Eshinegba shi eke agbo.” <sup>2</sup> Ageni onodode ọ vu ya ku atalabi oyọli shi eke agbo. Iwali igboko ebe ni e lolo ẹ to, e ge ẹgbọ ni e mholi ojele oyi oni inyagbemhi, ni e ga oni inyagbemhi ni a khali.\*

<sup>3</sup> Ageni onuzava ọ ya ku atalabi oyọli lo oke oniemi, oni oke oniemi o mele oia eyi ẹgbọ ni e ghua-a. Emhikpa ni e mholi ayemhe ni e la elemhi oni oke oniemi e ghulua.

<sup>4</sup> Ageni onuzi-aase, ọ ku atalabi oyọli lo oke ali ichochọ amẹ, e mele oia-a.† <sup>5</sup> Mhi suọ khi ageni ni a ri amẹ nga obọ khi ọọ li,  
“Ogueso-ẹzo ni ọ pfuase  
u khi, irari khi

u guẹ so ingme ena,  
Yeye u khi Eshinegba No pfuase,  
Yeye u la ọ memena,  
ni u kpẹ la ọ, ni u gbo ya la ọ,  
itobọ khi igesikia u ro ọ so ẹzo eye.

<sup>6</sup> Irari khi ẹgbọ e she gbolo

§ 15:8 Li ze Okiali 40.34; 1 Ighie 8.10-11; 2 Okhe 5.13-14; Aza 6.4

\* 16:2 Li ze Okiali 9.10 † 16:4 Li ze Okiali 7.17-21; Iwolo 78.44

eni a pfa na-a  
ali emekeguele,  
u she ri o lia na we da,  
abi o ti shi!”

<sup>7</sup> Mhi suo khi atete o tseşe, oo,  
“Guegüegü,  
Eshinegba Onomhue Nofune nya,  
igewo eye, eyi igesikia  
ali eni e te ode e khi!”

<sup>8</sup> Ageni onuzi-aane o ku atalabi oyoli ku ovo, a  
ri ekpabo na ovo o ri erali ke toşe egbo-a. <sup>9</sup> Egbo  
e daghie-a irari utomhi oyi erali, e ze emuebe na  
eva oyi Eshinegba ni o mholi ekpabo ro mheshe  
na anasemhe enana, ama ea lama mupfi ni e ri  
ufumhi na eva oyoli.

<sup>10</sup> Ageni onuzi-oshe o ku atalabi oyoli kushi  
ukpekhomhi oghie oyi oni inyagbemhi, eghiele  
oyoli o la obili. Egbo e ngomhi elemhi unu, shi oya. †  
<sup>11</sup> E ku itse na Eshinegba na iloghie irari utomhi ali  
igboko eyewe, ama ea lama mupfi lase ode okholo  
oyewe le.

<sup>12</sup> Ageni onuzi-osasa o ku atalabi oyoli lo oko iYu-  
firitisi ni o fu, o khakha amea ni ighie na obini  
ovo o te e ngale e me asha rote dose. § <sup>13</sup> Igho mhi  
me khi ikhiakhiamhi iyemhe aase ni e li abi ikele  
e rote unu oyi oni oligio oniemhi ali unu oyi in-  
yagbemhi ali unu oyi emekeguele oyi egbholi, lasele.  
<sup>14</sup> Wewe e khi iyemhe okphaghie ni ee gbe ikanya  
oshabo, ni e fie deba ighie ni e la eke agbo nya, ni  
e ya ti we gbili shi okholi ogbele oyi Eshinegba No  
funenya.

---

† 16:10 Li ze Okiali 10.21    § 16:12 Li ze Aza 11.15

15 “A ghe i, mhi ya bhale abi oghiatọ! Ikhivose o khi na ogbo ni o ya guale, ni o ya ri eloe khu ide eyoli ini o khi banọ-a ni a me oli irumheba!”\*

16 Igho eni iyemhe okphaghię e ti we gbili ashini a ri elemhi Iburu e lui Amagedo.†

17 Aęeni onuži-oskilua o ku atalabi oyoli nga idane, igbo uruli na leghe o rote Owa ugamhi oyi Eshinegba rote ukpekhomhi eghiele ngme lasese, oo li, “A she rięę oli!” 18 Igho, inyamhisalo ame, ali ukpimhi ali ingmolo oyi ikphala ali inighise eke ee bhale. Inighise nabi ogbo-a kpe me ghue abi a te ma ogbo shi eke agbo. Oni inighise o ga khi onięmhi!‡ 19 Oni eoli onięmhi o kemhi asha ese, eoli oyi eni ishishi nya e de kua. Eshinegba o sato eoli iBabilo no fu egbe. Omhesę uko ni onyo ofu oyoli o vo nali.§ 20 Eke ni e la iteva elemhi oke nya e kelea, aa ke me ite ekhoghuo.\* 21 Eche ame na idane enięmhi e rote idane de mu egbo. Ee ngmano ku Eshinegba irari eni opfuse oyi eni eche ame, irari khi oni opfuse o kholo gba.†

## 17

### *Adegbe nofunę*

1 Igho aęeni oghuo ni o mholi italabi ishilua o bhale, oo mhe, “Bhale khi mhi ya ri abi a li ya nase oni adegbe onofunę khasę, ikhi eoli onięmhi ni o la

---

\* 16:15 Li ze iMat 24.43-44; iLuk 12.39-40; Iro 3.3 † 16:16 Li ze 2 Ighie 23.29; iZaka 12.11 ‡ 16:18 Li ze Iro 8.5; 11.13,19 § 16:19 Li ze Aza 51.17 \* 16:20 Li ze Iro 6.14 † 16:21 Li ze Okiali 9.23; Iro 11.19

epfe okẹ ni e bu.\* 2 Lọli ighie na ekẹ agbọ e nu kia okia, onyọ okia eyọli e gbe ẹgbọ ni e la ekẹ agbọ.”†

3 Ighọ ọni agẹni ọ rue mhe je ọdagbe ifufu elemhi Ayemhe. Ighọ mhi me ọkpotoso ni ọ shito nga inyagbemhi oyile, ni ọ le iwali eva ipfiunu-a, ọ ze ikhomhi ishilua ali ekphali igbe.‡ 4 Ọni ọkpotoso ọ sonọ itsua eyile, a ga mema ri igolu ali ifefe ali ema rọ khuẹse ọli-a. Ọ mu uko igolu mhọli obọ ni o vọ emhi ighuighue ali ikanya ichimhi eyi itsebo eyọli.§ 5 Emhi osheli na keke shi ọli alukpo khi.

Osheli.

IBabilo Oniemhi.

Inyọ idegbe nya.

Ali inyọ itsebo nya. 6 Mhi me khi ọni ọkpotoso, ọ da ọlia eyi ẹgbọ ni a pfa na, ọlia eyi eni a gbe-a irari khi e mie iJesu suọ.

Abi mhi rọ me ọli, mhi yila.

7 Ighọ ọni agẹni ọọ mhe, “Elo o ze ni u rọ yila? Mhi ya gueye osheli oyi ọni ọkpotoso ali oyi ọni inyagbemhi ni ọọ nga, ni ọ ze ikhomhi ishilua ali ekphali igbe. 8 Ọni inyagbemhi ni u me ni ọ kpe khi, mena ni ọa ke khi loli, ọ ya rote ilimhi na ningolo ngale ya je epfua oyọli. Abọ e ya sha ẹgbọ ni e la agbọ ni aa keke eva oyewe shi ebe ni a keke eva oyi eni e ya mhọli agbọ na agboagbo shi, rote igbaekele agbo, ini e me ọni inyagbemhi irari khi, ọ kpe khi, mena ọa ke khi, ni ọa ya bhale.\*

9 “Onana o khi emini ọgbọ te ẹ sa usamhi ileasingme. Eni ikhomhi ishilua eghọ, e khi ikhomhi

\* 17:1 Li ze iJere 51.13 † 17:2 Li ze Aza 23.17; iJere 51.7 ‡ 17:3

Li ze Iro 13.1 § 17:4 Li ze iJere 51.7 \* 17:8 Li ze iDan 7.7; Iro 11.7; Iwolo 69.28

ite ishilua ni ọni ọkpotso ọọ shitọ. <sup>10</sup> Ighie oshilua e li gbo khi. Etuoshe ọ, e she ghua, ọghuo ọọ kiele ẹ mhẹsẹ, ọni ọ kpọle ọa bhale ne. Ini ọ da bhale, ọ mema ya laọ ukuku ẹghẹghẹ. <sup>11</sup> Ọni inyagbemhi ni ọ kpẹ laọ ni ọa ke laọ eghọ, ọ khi oghie ọnuzi-olale, abeghuo lọli ali oshilua enekpọle e li, ọ ya li je epfua oyọli.

<sup>12</sup> “Eni ekphali igbe ni u mẹ eghọ, e khi ighie ogbe ni aa ri eghiele na ne, ama a ya ri afu na wẹ elemhi iwakati oghuo tse ni e rọ mhẹsẹ abi ighie, li shi ọni inyagbemhi.† <sup>13</sup> Enana emhi oghuo ẹ khi, e ya ri ekpabọ ali afu oyẹwẹ na ọni inyagbemhi. <sup>14</sup> E ya nu ọni Omi Osumha khọli. Ọni Omi Osumha ọ ya gbe wẹ oni okhọli, irari khi Ọnọmhue ọyi enemhue ọ khi, ali Oghie ni o mhọli ighie ọ khi. Irari khi e nu ọli la, wẹwẹ ọ lu ni ọ zẹ, ali ni e khi eni e ri igesikia deba li.”

<sup>15</sup> Ighọ ọni aḡeni ọọ mhe, “Eni okẹ eniemhi ni u mẹ, ni ọni adegbe ọ shitọ, ẹgbọ ali ebubu ẹgbọ ali ishishi ali emue ọdọda e la aghọ. <sup>16</sup> Ọni inyagbemhi ali ekphali igbe ni u mẹ eghọ e ya biselemhi ọni adegbe. Epfuse ọli-a, e banọ ọli-a, e nyanọ li elamhi egbe rọ le, e ri erali tose ọli-a. <sup>17</sup> Irari khi Eshinegba ọ rọli shi wẹ udu e riẹle emini ọ gba, lọli e rọ lama kugbe ri ekpabọ eyẹwẹ na ọni inyagbemhi ni ọ mhẹsẹ, ya ramhi ni ungmehi oyi Eshinegba o rọ bhale ya tse. <sup>18</sup> Ọni ọkpotso ni u mẹ lọli ọ khi oni ẹoli oniemhi ni ọọ mhẹsẹ na ighie na agbọ.”

## 18

### *Udemhi oyi iBabilọ*

---

† **17:12** Li zẹ iDan 7.24



<sup>1</sup> Onana o dọse se, mhi me aḡeni olese khi o rọte iloghie e tiemhile. O mholi afu nofunẹ, ugemhi oyoli o ri eke agbo o ge nyanyanya. <sup>2</sup> O ri uruli oniemhi tseşe leghe, o li.

“Eoli iBabilo Oniemhi,  
o she de.  
O she mele ugbebo  
oyi iyemhe eyi  
okphaghie-a,  
ali ashini iyemhe  
okphaghie e la lese,  
ashini ipfeli ali elamhako  
ni aa pfuase ni aa ghue,  
e la.\*

<sup>3</sup> Irari khi ishishi nya,  
e she kpokpo onyo,  
ni o ri ujili e kpha,  
ikhi onyo okia oyoli.  
Ighie na eke agbo  
e she kia okia deba li.  
Eduoki na eke agbo,  
e she rọte  
iliagbo-tsuakua oyoli  
mhuẹ e pfue.”†

<sup>4</sup> Igho mhi suọ uruli olese ni o rọte idane lie,  
“Egbo eyemhe, a na li egbe kua,  
ini a khi mhuẹ okemhi  
shi olamhe eyoli,  
ini a khi mhuẹ okemhi  
shi osoli anasemhe oyoli.‡

---

\* **18:2** Li ze Aza 13.21; 21.9; iJere 50.39; 51.8; Iro 14.8 † **18:3** Li ze Aza 23.17; iJere 51.7 ‡ **18:4** Li ze Aza 48.20; iJere 50.8; 51.6,45

5 Irari khi olamhe eyoli  
 e she tighbili yagha ramhi idane,  
 Eshinegba o she sato  
 umha-gueli eyoli. §

6 A li oli, abi o li e,  
 a fali oli ota asha eva  
 shi ikanya ni o gbe.

Onyo ni o toto ni o ro na e da,  
 a so oghogho nali da asha eva.\*

7 A ri osoli ali oyala nali  
 ni o gu e to ufumhi ali epfue  
 ni o rona egboli.

Irari khi eri Oni Okpotso  
 o la ekelemhi tono obo udu lie,  
 'Mhemhe mhi khi oni olele!  
 Mhi aa tigbe ya khi  
 osamhi-olimhi,  
 mhi aa tigbe ya  
 me oya egbe ghue.'

8 Irarigho, ogbeleghuo  
 anasemhe oyoli  
 o ro ya sha rughu oli,  
 shi eghuli ali evie  
 ali okiamhi.

A ya ri erali tose oli-a.  
 Irari khi Eshinegba Onomhue  
 ni o ya gue oli ez o,  
 onofune nya o khi." †

9 "Ini ighie na agbo ni e kia okia deba li, ni e nu  
 oli li agbo tsua kua, e ya vie, e vie evie oya na li, ini

---

§ 18:5 Li ze Igbae 18.20-21; ijere 51.9      \* 18:6 Li ze Iwolo 137.8;  
 ijere 50.29      † 18:8 Li ze Aza 47.7-9

e me ewoli erali ni e e tose oli-a. <sup>10</sup> E ya tapfia migha ke vie irari ulishi osoli ni a na li, e e lie,

“ Eekhue o Eekhue o  
yeye eoli nofunē,  
iBabilo eoli no mhue ekpabo!

Elemhi iwakati oghuo tse  
epfua oye o she bhale!†

<sup>11</sup> “Eduoki na agbo e ya vie oli e vie oya irari khi ogbokhoghuo o a ke nu we ya de itsua. § <sup>12</sup> Itsua igolu ali elomho, imieche ni e somhotse ni e ghale, ifefe ali ema, ide epfopfo na kpishi, ali eni e yile, ghe ena wono, ali ilolo eni eyile ali itsua ododa ni a ri oora ni e pfiē khali, ali itsua ododa ni a ri ekphali eni khali, ali eera ni e ghale, ide ali ikhuli ali eche imabo. <sup>13</sup> Ali alagho na lu ikinamoni ali oshamhi ali ituale afu eera ali ituale ni a ku e shi olimhi egbe, ali atike ni o o pfiē ni o ghale ali onyo ali oili ali ifulawa ali ikpamhi emhi ni a lu ado, ena ali isumha ali ichi ali amoku ni ichi e e tsua, li shi egbo ni e khi ighumha.\*

<sup>14</sup> “Eni eduoki e ya lie oli, ‘Imomhi ni u ri ukpeloē shi eke e khe, o she me na. Epfue ali osuemhe eye nya e she kele-a, ni a ke dobe gbolo me ya mie.’

<sup>15</sup> Eduoki ni e ri emhi enana de ni e me elele epfue rote obo oyi oni okpotso, e ya migha tapfia, ulishi osoli ni o me o mu we. E ya vie e vie oya, † <sup>16</sup> e vie nyogho, ee lie,

“ Eekhue-o! Eekhue-o,  
eoli Onofune,  
ni a ri iwulu ichē eneyile,

† 18:10 Li ze Ezik 26.16-17 § 18:11 Li ze Ezik 27.31,36 \* 18:13

Li ze Ezik 27.12,13,22 † 18:15 Li ze Ezik 27.31,36

ni a ri igolu ali eche  
 ni e ghalẹ ali ifeḡe  
 khuẹ akhue!

17 Aboriekhi igho,  
 elemhi iwakati oghuo tse,  
 eni eḡfue eniemhi egho  
 e li opfu-a.†

“Eni e khi ega oko-okẹ oniemhi nya ali eni e lo  
 oko-okẹ oniemhi ya asha ali eni e gua li ali eni e roṭe  
 okẹ oniemhi e mie ifata, e ya tapfia migha. 18 Ini e  
 me ewoli eyi utomhi oyoli, e ya lie, ‘Eoli okhoghuo o  
 la o ni o li abi oni eoli oniemhi?’§ 19 E yalo ifufu ku  
 ukhomhi, e ri evie ali oya vie leghe, ee lie,\*

“Eekhue-o! Eekhue-o,  
 yeye eoli oniemhi,  
 ni eni e mholi  
 oko-okẹ oniemhi nya,  
 e te mholi eḡfue eyewe  
 roṭe osuemhe oyi oni eoli!  
 Elemhi iwakati oghuo tse  
 a ro pfuse oli-a.†

20 A ri itobo li  
 ke ghele, iloghie,  
 A ke ghele,  
 eḡ eni a pfa na  
 ali ighiusomhi na keḡ ali emekeḡuele!  
 Irari khi Eshineḡba  
 o she gue oli ezọ  
 shi abi o li nase e.’ †

† 18:17 Li ze Aza 23.14; Ezik 27.26-30 § 18:18 Li ze Ezik 27.32

\* 18:19 Li ze Ezik 27.30-34 † 18:19 Li ze Ezik 27.30-34 † 18:20  
 Li ze iDeut 32.43; iJere 51.48

21 Igho aḡeni nofunẹ o rue udumhi eḡe ni o li abi  
eḡe iko pfilo oni oke oniemi, oḡ li,  
“Ekpabọ na guo

a ro ya guoḡho  
eoli iBabilo oniemi-a,  
aa ke gbo ya

mẹ e eḡoe ghue.§

22 Ogbọ ọa ke gbo ya suḡ  
uruli efa

wẹkhi oyi emini áá kpheli  
wẹkhi oyi ofele,  
wẹkhi oyi akala

elemhi yeḡe oni eoli ona ghue.

Ogbọ ọa ke ya me  
oḡbakanya oḡhoḡhuo  
elemhi e ghue.

Ogbọ ọa ke ya suḡ  
okeke emini a mḡeli iko,  
elemhi e ghue.\*

23 Erali ákpá ọa ke gbo ya ḡe  
elemhi e ghue,

wẹkhi eri a ya gbo suḡ  
uruli eni e zu ode  
elemhi e ghue.

Eduoki eye e khi  
eḡbo eni e fune na eke agbo,  
u ri oḡbho oḡe

di ishishi nya wasẹ-a.†

24 Elemhi oni eoli a me  
oḡlia eyi emeḡeḡuele

§ 18:21 Li ze iJere 51.63-64; Ezik 26.21 \* 18:22 Li ze Ezik 26.13;

Aza 24.8 † 18:23 Li ze iJere 7.34; 25.10

ali eyi eni a pfa na,  
ali eni a gboloa shi eke agbo nya.”†

## 19

### *Okuekhoogo!*

<sup>1</sup> Onana o dose se, mhi suo uruli ni o li abi okeke  
oniemhi oyi ebubu egbo obini iloghie khi oo tseşe,  
oo lie,

“Okuekhoogo,  
Imiepfuese ali ufumhi  
ali ekpabo khi  
eyi Eshinegba oyawa.

<sup>2</sup> Irari khi iguezọ oyoli  
eyi igesikia ali  
eni e sheshe e khi.

O she pfa ezọ mu  
adegbe onofune,  
oni o she ri okia eyoli  
yese eke agbo-a.

Eshinegba o she ye okhọli  
to oia eyi eni eę ga eyoli.”\*

<sup>3</sup> Igho e gbo tseşe, e lie,  
“Okuekhoogo!

Ewoli eyoli e she e nga  
idane agboagbo.”†

<sup>4</sup> Igho egbhali uye ali aane ali elamhako aane, e  
de yeshi, e ga Eshinegba ni o shito oni ukpekhomhi  
oghie, e lie,

“Atse! Okuekhoogo!”

<sup>5</sup> Uruli o rote oni ukpekhomhi oghie ngme oọ lie,

† **18:24** Li ze iJere 51.49      \* **19:2** Li ze iDeut 32.43; 2 Ighie 9.7

† **19:3** Li ze Aza 34.10

“A kuẹghie  
 Ẹshinẹgba oyawa,  
 ẹẹ ni ẹẹ ga eyoli nya,  
 ẹẹ ni a na ulishi oyoli,  
 ghe ẹgbọ ni e fu  
 ali eni e she!”<sup>†</sup>

<sup>6</sup> Ighọ mhi suọ uruli ni o li abi uruli oniẹmhi oyi  
 ebubu ẹgbọ ni o li abi ingmolo oyi okẹ ni ọọ tu, ni  
 o gbo li abi ingmolo oyi akphala. Ee liẹ,  
 “Okuekhoogo!

Irari khi Ẹshinẹgba  
 Ọnọmhue oyawa Nọfunẹ nya,  
 lọli ọ le oghie!§

<sup>7</sup> Awa ke ghele,  
 egbe ke mu awa,  
 awa ri ufumhi nali!

Irari khi izu-ode oyi  
 ọni Omi Osumha  
 o she ramhi,  
 ọmueshi ọ she mu egbe shi eke.

<sup>8</sup> Ode opfopfo  
 ni o dala ni o pfuase,  
 a ro nali so.”

(Oni Ode opfopfo, igue ngeli oyi eni a pfa na o  
 migha shi.)

<sup>9</sup> Oni aḡeni ọọ mhe, “Kẹkẹ khi. ‘Tkhivose o khi  
 na ẹgbọ ni a lu shi oni ukue aruele oyi izu-ode oyi  
 ọni Omi Osumha.’ ” Ọ gbolo ẹ mhe, “Ingmemhi  
 enana, egbegbi ingmemhi eyi Ẹshinẹgba e khi.”\*

---

<sup>†</sup> **19:5** Li zẹ Iwolo 115.13 § **19:6** Li zẹ Ezik 1.24; Iwolo 93.1; 97.1;  
 99.1 \* **19:9** Li zẹ iMat 22.2-3

10 Igho mhi de ya wugha li awe ni mhi ga li. Ama o o mhe, “Khi li gho! Oni o o ga nabi yeye ali onabi inyoghuo e enekpole mhi khi ni e mu otsele oyi iJesu mhue. Ga Eshinegba! Irari khi otsele oyi iJesu o khi ayemhe imekeguele.”

*Oni o nga achi opfopfo*

11 Igho mhi me khi iloghie o khueghie-a mhi me achi opfopfo. Oni o nga li a lu oze-regbenga ali oni o khi igesikia. Ode ni o a mhue azeba o te e so ezo, ni o te e kholi.† 12 Ikpamhi alo eyoli e li abi elemhi ere. O rughu irula oghie ni e bu. O mholi eva ni a keke shi oli egbe ni ogbo olese o a lese, se ni loli ghuo kpele.‡ 13 O so awulu ni a so oia. Eva ni a lu oli khi, “Ungmemhi oyi Eshinegba.” 14 Ekholi-okhue ni e la iloghie e deba li kia, e sono itsua epfopfo ni e dala ni e pfuase, e nga ichi epfopfo. 15 Itakobi ni o o mu o rote unu oyoli lasele, ni o ro ya kholi eni ishishi. Otsuodu akhuli o ro ya ke mhesa na eni ishishi. O ya rote ashini a te e mino-onyo mino onyo lasele, Ikhi onyo no khi ofu oniemhi oyi Eshinegba Nofune nya.§ 16 A keke eva, “Oghie Ni o Mholi Ighie, Ali Onomhue Ni o Mholi Ekhemhue,” shi awulu na dogo oyoli ali ukhiowe oyoli. 17 Igho mhi me a geni khi o migha ovo, ni o vie lasele leghe lui ipfeli ni e la irarogbe e fiala, “A bhale a ka legba shi aruele ogbomhi oniemhi oyi Eshinegba. 18 Egheghe agho ni a le elamhi idiegbe oyi ighie ali ega ekholi-okhue ni e ri ekholi-okhue e ye okhue, ali elamhi idiegbe eyi egbo nefune, shi elamhi ichi

---

† 19:11 Li ze Ezik 1.1; Iwolo 96.13; Aza 11.4 ‡ 19:12 Li ze iDan 10.6 § 19:15 Li ze Iwolo 2.9; Aza 63.3; iJo 3.13; Iro 14.20



ali eni e nga we, ali elamhi idiegbe egbo nya, shi ighumha ali eni ea khi ighumha ghe egbo enikeke ali egbo eniemhi.”\*

<sup>19</sup> Igho mhi me oni inyagbemhi ali ighie na eke agbo ali ekholi-okhue eyoli khi e lona kugbe, ni e ro nu oni o nga oni achi ali ekholi-okhue eyoli kholi.

<sup>20</sup> Ama a mu oni inyagbemhi ma omekeguele oyi egbholi oyoli, oni o ri eva oyoli gbe irokhase onyaloa. Eni irokhase ena o ro di egbo ni e mie eni ojele eyi oni inyagbemhi shi egbe, ni e ga irokhokho oyoli ni a khali. Oni inyagbemhi ali oni omekeguele oyi egbholi, a mu we pfilo uyele erali ni ofulu o la to kua yala.† <sup>21</sup> Eni e kpole, a ri itakobi oni o rote unu oyi oni o nga oni achi gbolo we-a. Eni ipfeli nya e ri elamhi idiegbe eyewe le.

## 20

### *Ikpe Agbele*

<sup>1</sup> Igho mhi me khi ajeni o rote idane e tiemhile o mu okpe ilimhi na ningolo mholi obo, o tsua ukpokpomhi uweghe. <sup>2</sup> O gamhi oni oligio oniemhi rue, ikhi enye onede ogho ni o khi etse ali Okphaghie, o ge oli ikpe agbele oghuo.\* <sup>3</sup> O pfi oli lo oni ilimhi na ningolo, o pfi okpe o. O pfi oni ilimhi na ningolo unu ma, ini o khi ke gbo me asha di ishishi egbo, ya ramhi ni eni ikpe agbele e ro ya gba. Ini ona o dose se, a mema ya rue oli obo-a ukuku egheghe.

<sup>4</sup> Igho mhi me ikpekhomhi ighie. Eni e shito o, e khi eni a ri afu na ni e ri egbo gue ezọ. Igho mhi gbo

\* **19:18** Li ze Ezik 39.17-20 † **19:20** Li ze Iro 13.1-18 \* **20:2** Li ze Igbae 3.1

li me iyemhe eyi egbo ni a kholo ikhomhi o, irari otsele ni e pfi na ijesu ali ungmehi oyi Eshinegba. Eni egbo ena ea ga oni inyagbemhi wekhi irokhokho eyoli, wekhi eri e mie olele oyoli shi atete ukhomhi, wekhi obo. E ya te eghuli guale, e ya nu iKirisiti mhese ikpe agbele.† <sup>5</sup> Egbo ni e kpole ni e ghuloa ea ke rote eghuli guale, ramhi ni ikpe agbele egho e ro gba. Onana o khi irote eghuli guale onodode. <sup>6</sup> Ikhivose ali ipfuase e khi eyi eni e mholi obo shi iguale onodode onana. Eghuli onuzi-eva oa mholi ekpabo shi egbo eghogho egbe, ama e ya khi ekpodalo-ugamhi eyi Eshinegba ali eyi iKirisiti. E ya nu oli mhese ikpe agbele.

<sup>7</sup> Ini eni ikpe agbele e gba se, a ya taghie Okphaghie owa ighumha oyoli-a. <sup>8</sup> O ya fiye lasele ya di egbo ni e la ishishi nya na eke agbo, ikhi egbo ni a lu iGogi ali iMagogi, ni o ro ti we gbili shi okholi. Eri e bu abi ekhashe ni e la egele oke oniemhi.‡ <sup>9</sup> Igho e to ogholi ya gbe eke agbo khia, e pfi gashe apfe eyi egbo eyi Eshinegba, eoli ni o nono egbegbo. Ama erali e rote idane tiemhile ya tose we-a. <sup>10</sup> Oni etse ni o di we, a mu oli pfilo erali ilimhi irierie ni ofulu o la to kua yala. Ikhi ashini a pfi oni inyagbemhi ali omekeguele oyi egholi lo. A ya la agho na we osoli agbogbo, no gbe no bi.

### *A ri eni e ghu-a gue ezọ*

<sup>11</sup> Igho mhi me ukpokpomhi ukpekhomhi oghie opfopfo ali oni o shito o. Abi o shito egho, eke ali ukhui e kele-a, ea ke me ashikhoghuo la. <sup>12</sup> Igho mhi me egbo ni e ghuloa, ghe eniemhi, ali enikeke,

† 20:4 Li ze iDan 7.9,22 ‡ 20:8 Li ze Ezik 7.2; 38.2,9,15

e migha odalo oni ukpekhomhi oghie. Igho a khueghie ebe ni e bu-a. A gbo khueghie ebe olese-a ni o khi ebe ni a keke eva oyi eni e ya mholi agbo na agboagbo shi. A gue eni e ghu-a ezọ abi ikanya ni e gbe e li, abi a li keke we shi eni ebe. § 13 Okẹ o kpa egbo ni e ghuloa shi o ku lasele. Eghuli, ali ilimhi, e khueghie unu-a kpa egbo ni e la elemhi we ku lasele. A gue ogbogbo nya ezọ abi o li gbe. 14 Igho a pfi Eghuli, ali ilimhi lo uyele erali. Erali ilimhi iriere onana o khi eghuli onuzi-eva. 15 Onini eva oyoli o da la oni ebe ni a keke eva oyi eni e ya mholi agbo na agboagbo shi ne, eri a ya pfi o li pfilo oni erali ilimhi iriere.

## 21

### *IJerusalemu Onogbo*

1 Igho mhi li me iloghie onogbo ali eke agbo onogbo. Iloghie onodode ali eke agbo onodode e she kala-a, igho li khi okẹ oniemi.\* 2 Mhi me oni eoli ni o pfuase ikhi oni iJerusalemu onogbo khi o rote idane e tiemhile rote obọ oyi Eshinegba, abi omueshi ni a khuese somhotse e ghi odo li. † 3 Igho mhi suọ ukpokpomhi uruli khi o rote oni eghiele e lie, “A ghe khe! Eshinegba o ri apfe oyoli tiemhile deba egbo, eri o ke ya nu egbo ngeli kugbe, eni egbo e ya khi egbo eyoli, Eshinegba o ya nu we la kugbe. ‡ 4 O ya shishi we amevie alo-a, eghuli o ke ya laọ,

---

§ 20:12 Li ze iDan 7.9-10 \* 21:1 Li ze Aza 65.17; 66.22; 2 iPit 3.13 † 21:2 Li ze Aza 52.1; 61.10; Iro 3.12 ‡ 21:3 Li ze Ezik 37.27; iLev 26.11,12

wɛkhi eri a kɛ ke viɛ wɛkhi asha o ke ya ke to ɔgbɔ, irari khi emini ediɔ e she dɔsɛ.”§

<sup>5</sup> Ɔni ɔ shiɔ oni ukpɛkhomhi oghie ɔɔ li, “Ghe khe, Mhi ri emhikpa a mele enegbɔ-a!” Ighɔ ɔɔ, “Kɛkɛ emhi enana shi ekɛ irari khi ingmemhi ni a ri egbe ɛ da ni e khi igɛsikia e khi.”

<sup>6</sup> Ɔɔ mhe, “A she li ɔli. Mhemhe mhi Aafa ali Omega, mhemhe mhi khi igbaekɛle ni mhi khi ɔzukhomhi. Ɔni okiamɛ ɔɔ gbe, mhi ya rɔte okɛ ni ɔɔ chɔchɔ amɛ, ni o ri agbɔ a na ɔgbɔ na li da afue.\* <sup>7</sup> Ɔni ɔ da mu ɔ le ne, ɔ ya mhɔli ikhivɔsɛ ona, ni, Mhemhe mhi ya khi Eshinɛgba oyɔli, lɔli o khi omimhe.† <sup>8</sup> Ama ɛgbɔ ni e khi enulishi ali eni ɛa ya lama miesuɔ, ena angeli ichimhi ali egbugbeli, ali ena itsebɔ eni e mu imhesɛ ogbhɔ ali eni ega ikhumhi, ali e lo ɛgbhɔli nya, okiemhi oyewɛ o ya khi erali ilimhi irierie ni ofulu la to kua yala. Onana khi eghuli onuzi-eva.”

<sup>9</sup> Aɛni ɔghuo eni oshilua ni ɔ mhɔli italabi ishilua ni e vɔ anasemhe ishilua ni e kpe ukhokho, ɔ bhale ya lie mhe, “Bhale, mhi ya ri ɔni ɔmueshi ɔnɔgbɔ khasɛ, ni ɔ khi ughue ɔni Omi Osumha.”

<sup>10</sup> Elemhi oni ayemhe, ɔni aɛni ɔ tsua mhe nga ukhomhi ute oniemhi ni o yagha, ɔ remhe khasɛ oni Eoli-No-pfuasɛ ikhi iJerusalemu, khi o rɔte idane te obɔ oyi Eshinɛgba a tiemhile.‡ <sup>11</sup> O ri ufumhi oyi Eshinɛgba ge nyanyanya. Ugemhi oyɔli o li abi echeli ni o somhi otse ni a lu iJasipa ni o li abi ughegbe.

<sup>12</sup> O mhɔli ukpokpomhi ugbe ni o yagha ni o mhɔli

---

§ 21:4 Li zɛ Aza 25.8; 35.10; 65.19 \* 21:6 Li zɛ Aza 55.1 † 21:7  
Li zɛ 2 iSam 7.14; Iwolo 89.26-27 ‡ 21:10 Li zɛ Ezik 40.2

ode inuekpẹ igbeva. Eni ode inuekpẹ, igeni ogbava e la o. Eni ode inuekpẹ igbeva ena a keke eva eyi edeli igbeva eyi iZireni shi o. <sup>13</sup> Ode inuekpẹ esese e la obo-ugbe enenene oyi oni ugbe. Ese e la ukiẹkiẹ obini ovo o te e ngale oyoli, ese e la ukiẹkiẹ obita, ese e la ukiẹkiẹ ogobo, ese e li la ukiẹkiẹ obini ovo o te e lo eko. <sup>§</sup> <sup>14</sup> Oni ugbe ni o gasẹ oni eoli o mhọli echẹ irogbekẹ igbeva. Eni echẹ irogbekẹ ena, a keke eva eyi ighiusomhi na keke ogbava eyi oni Omi Osumha shi o.

<sup>15</sup> Oni o nu mhe e ngme, o mhọli ukpokpo ni a roo mhesẹ emhi ni o khi igolu ni o roo ya mhesẹ oni eoli ali eni ode inuekpẹ ali igbe eyoli.\* <sup>16</sup> Oni eoli o ze abo igbe ene, ni iyagha ali inuata ali uemhi eyoli e li abizize. O mhesẹ oni eoli, o ya khi ikuku emhi ea la imali agbele ali egbhueshe ashi ishe (1,500), unuemhi ali uemhi eyi eni abo igbe ali iyagha eyoli e khi abizize. <sup>17</sup> Oni ageni o li mhesẹ ugbe oyoli, e ya khi ete-awe egbhuegbe. Abi awa lie mhesẹ eke. <sup>18</sup> Ugbe oyoli, echẹ ijasipa a roo ma li, oni eoli o khi egbegbi igolu ni a te e me eke abi ughegbe. <sup>19</sup> Irogbekẹ oyi igbe ni a ma gasẹ oni eoli e ya khi echẹ ni e ghale ododa. Onodode o khi ijasipa, onuzi-eva o khi isafaya, onuzi-ese o khi ikalisedoni, onuzi-ene o khi emeradi, <sup>20</sup> onuzi-ishe o khi isadonizi, onuzi-esesa o khi ikaneliani, onuzi-ishilua o khi ikirisolati, onuzi-elele o khi iberili, onuzi-itili o khi itopazi, onuzi-igbe o khi ikirisopirazi, onuzi-igbaghuo o khi ijasiti, onuzi-igbeva o khi ametisiti. <sup>21</sup> Eni ode inuekpẹ igbeva e ya khi ifefe. Ode unuekpẹ ogbogbo a ri ufefe oyoli

§ 21:13 Li ze Ezik 48.30-35 \* 21:15 Li ze Ezik 40.3

riele ọli. Ode agbala ni o la oni ẹoli, egbegbi igolu ni a te ẹ me eke abi ughegbe a ro ku ọli.†

<sup>22</sup> Mhi aa me Owa ugamhi okhoghwo oni ẹoli, irari khi Eshinẹgba Onomhue Nofune nya ali Oni Omi Osumha wewe e khi Owa Ugamhi ni e la agho.

<sup>23</sup> Oni ẹoli ọa ke mholi emini o ri ugemhi oyi ovo wekhi oyi uki ya li. Irari khi ugemhi oyi Eshinẹgba loli o khi akpa ni o la agho, oni Omi Osumha o khi akpa ni o la agho.†

<sup>24</sup> Egbọ na agbọ nya e ya ri oni akpa ke kia, ighie ni e la agbọ e ya tsua epfue eyewe bhale agho. §

<sup>25</sup> Ogbọ ọa ya tigbe khukhu ode inuẹkpe ni e lo oni ẹoli le ghue, itobọ khi ogbọ ọa ya me eliyose agho.

<sup>26</sup> A ya tsua epfue ali ufumhi eyi ishishi lo oni ẹoli le.\* <sup>27</sup> Ama, emini e ri ichimhi ẹ mu ọa ya tigbe lo agho le, wekhi ogbọ ni o gbe ikanya omama ali ni o riele emhi egbhue, se khi egbọ ni eva oyewe o la ebe ni a keke eva oyi eni e ya mholi agbọ na agboagbo shi oyi oni Omi Osumha.†

## 22

### *Oke Ame Agbo*

<sup>1</sup> Igho o ri oke ame ni o ri agbo o na ogbọ khase mhe, oke ni o pfuse abi ughegbe, ni o rote ukpekhomhi Eghiele oyi Eshinẹgba ali oyi Omi Osumha tu u lasele.\* <sup>2</sup> Oni oke o rote iteva oyi oni ode agbala ni o la oni ẹoli. Ukiekie eve-eva oyi oni oke, ọra ni o ri agbo o na ogbọ e migha, ni o mo idumhi igbeva ododa, ni o mo idumhi

† 21:21 Li ze Aza 54.11-12 † 21:23 Li ze Aza 60.19-20 § 21:24

Li ze Aza 60.3 \* 21:26 Li ze Aza 60.11 † 21:27 Li ze Aza 52.1;

Ezik 44.9 \* 22:1 Li ze Ezik 47.1; iZaka 14.8

uki kpa. Ebe oyi oni ọọra a rọ ri ishishi ẹẹ ze.†  
<sup>3</sup> Emhikhoghwo ni Eshinegba ọ pfi unu na ọa ke ya la agho. Ama ukpekhomhi oghie oyi Eshinegba ali oyi Omi Osumha oyọli e ya la agho, eni ẹẹ ga eyọli e ya ke ga.‡ <sup>4</sup> E ya me alo eyọli, ali eva oyọli o la we alukpo. <sup>5</sup> Eliyose ọa ke ya lao. E a mholi emini e ri ugemhi oyi akpa ali ugemhi oyi ovọ ya li, irari khi Eshinegba Onomhue lolighuo ọ ya khi akpa oyewe, e ya ke mhesẹ abi ighie agboagbo.§ <sup>6</sup> Oni aḡeni ọọ mhe, “Eni ingmemhi enana, eni a ri egbe ẹ da e khi, e gbo khi igesikia. Eshinegba Onomhue ni ọ ri ayemhe oyọli na emekeguele, lolli ọ ghie aḡeni oyọli ọ ka roḱhase eni ẹẹ ga eyọli, emini a ya me ni ọa ke ya tese.”

### *Ijesu ọ ya bhale*

<sup>7</sup> “A ghe ii, mhi keḡe ya bhale! Ikhivose o khi na ogbo ni o ri ingmemhi imeguele ni e la ebe onana gbe akanya.”

<sup>8</sup> Mhemhe iḶoni mhi suo, ni mhi gbo me emhi enana. Abi mhi ro suo, ni mhi ro gbo me na, mhi de ya wugha oni aḡeni ni ọ ri eni emhi enana khase mhe awe ni mhi ga li. <sup>9</sup> Ama ọ gueye mhe, “Khi li igho, oni ọọ ga nabi yeye ali onabi inyoghwo ẹ emekeguele, ali eni e ri ingme ni a keke shi ebe onana gbe akanya mhi li khi. Ga Eshinegba!”

<sup>10</sup> Ọọ mhe, “Khi khukhu ingmemhi imeguele ni e la ebe ona, irari khi oni egheghe ọ she ti ramhi. <sup>11</sup> Oni ọọ riele onobe, ọ ke riele tsee, oni ọọ gbe ikanya ichimhi, ọ ke gbe tsee, oni ọ guẹ a ngeli, ọ guẹ ke ngeli tsee, oni ọ pfuase, ọ pfuase ke le

† 22:2 Li ze Igbae 2.9; Ezik 47.12    ‡ 22:3 Li ze iZaka 14.11

§ 22:5 Li ze Aza 60.19; iDan 7.18

tsee.”\* 12 “A ghe ii, mhi keḷe ya bhale, mhi tsua ifata eyemhe, mhi ya fali oḡbogoḡo ota abi o li gbe.†  
 13 Mhemhe mhi khi Aafa ali Omega, Mhemhe mhi khi oni Odode ali Okpukhokho, ni mhi khi Igbaekele ali Ukpese.‡

14 “Ikhivose o khi na eḡbo ni e pfe iwulu eyewe-a pfaese, ni e mhue obo shi oora ni o ri agbo a na oḡbo, ali ini e ba me asha rote ode unuekpe ni o lo oni eoli, le lole.§ 15 Ewa e la oolase oni eoli, ali eni e mu imhese oḡbo ali eni e li itsebo ali eḡbo ugbeli ali eni e ga ikhumhi ali eni e da nono ingme eḡboli, ni e di eḡbo.

16 “Mhemhe iJesu mhi she ghie aḡeni oyemhe o ri otsele ona ghi e eni igbaa nya eyi eni e mie iJesu iKirisiti suo. Mhemhe mhi khi Umhili ali Omiomi iDefidi, Mhemhe mhi khi Ukpetata ni o ge eluzogbe.”\*

17 Oni Ayemhe ali omueshi onogbo oo li, “Bhale!” Oni o suo ona o li lie, “Bhale!” Oni okiame oo gbe o bhale, ali onini o ghole o bhale ka da amee ni o ri agbo a na oḡbo, afue afue.†

18 Mhi tse agua ye oḡbo ni o suo imeguele ni e la ebe ona. Ini oḡbokhoghuo o khi ma o, Eshinegba o ya khi anasemhe ni a keke shi ebe ona ma li agbo.  
 19 Ini oḡbokhoghuo o rote ingmemhi imeguele ni a keke shi ebe onana rue pfi-a, Eshinegba o ya mie oli okemhi ni o mholi shi oora ni o ri agbo a na oḡbo,

---

\* 22:11 Li ze iDan 12.10 † 22:12 Li ze Aza 40.10; 62.11; Iwolo 28.4; ijere 17.10 ‡ 22:13 Li ze Iro 1.8,17; 2.8; Aza 44.6; 48.12 § 22:14 Li ze Igbae 2.9; 3.22 \* 22:16 Li ze Aza 11.1,10 † 22:17 Li ze Aza 55.1



ali ashini a khi na li shi ɛoli ni o pfuasɛ, ni a ngme ingme oyoli shi oni ebe onana.†

<sup>20</sup> Oni ɔ pfi ɔtsɛlɛ shi ebe onana, ɔɔ, “Igesikia lɔ, mhi keɛ ya bhale.”

Atsɛ. IJesu Ɔnɔmhue bhale.

<sup>21</sup> Okhale oyi iJesu Ɔnɔmhue o ka nu eni miesuo nya la, Atsɛ.

---

† **22:19** Li zɛ iDɛut 4.2; 12.32

**Ebe-No-Pfuase Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files  
dated 29 Jan 2022

03be06b0-68fd-500b-b9a9-6bca4b63979a